

交換

文獻叢編

第九輯

文獻叢編第九輯目錄

清胡林翼像

清曾國荃像

清康熙硃批諭旨

江寧織造郎中曹寅奏謝欽點巡鹽并請陞見摺

江寧織造通政使司通政使曹寅奏聞悉十八阿哥薨逝及異常之變摺

江寧織造通政使司通政使曹寅奏報米價及熊賜履行動並進詩稿摺

江南織造曹寅奏報熊賜履病故摺

江南織造曹寅奏報熊賜履臨終情形摺

江南織造曹寅奏報熊賜履家產摺

江寧織造通政使司通政使曹寅奏報江南科場案摺 一 二 三 四 五 六

清雍正硃批諭旨不錄奏摺續

河南巡撫田文鏡密陳典史吏目不可改補正途摺

河南巡撫田文鏡奏謝被謝濟世疏參蒙秉公決斷摺 一二

河南巡撫田文鏡奏參知縣傅之誠虧空耗銀摺

蘭州巡撫許容奏繳硃批並估賣塞思黑衣物摺

西安布政使張廷棟奏李元英抵兌塞思黑衣物摺

蘭州巡撫許容奏審訊李元英情形摺

清嘉慶朝中外通商史料

清醇親王奕譞致軍機處尺牘續

清光緒辛丑電報續

違礙書籍單 續乾隆四十二年八月湖廣總督三寶查繳

(所三宮故藏件原) 像翼林胡清



贈總督太子太保原任湖北巡撫世襲騎都尉誥文忠胡林翼

原件長 47 寬 34 CM.

清曾國荃像(原件藏故宮三所)



原件長 47 寬 34 CM.

清康熙硃批諭旨

故宮所存檔案以繳回硃批奏摺爲最多自康熙迄宣統散存內廷各檔箱中惟康熙歷年最久而所存各摺獨少蓋繳回硃批之例始自雍正康熙六十一年十一月胤禛既即位乃諭總理事務王大臣曰所有皇考硃批諭旨俱著敬謹封固進呈若抄寫隱匿焚棄日後發覺斷不寬宥定行從重治罪又曰嗣後朕親批密旨亦著繳進不可抄寫存留自茲以後遂定爲例雍正以前不爾也現本院文獻館已將康熙朝各摺摘由編日本編第二三輯曾發表王鴻緒密繕小摺一種茲更擬將所有康熙朝各摺陸續選刊名曰清康熙硃批諭旨

江寧織造郎中曹寅奏謝欽點巡鹽並請陛見摺 清康熙四十三年

曹寅奏摺凡百十八件（清康熙三十五至五十一年）又其子曹顥摺十七件（清康熙五十一年至五十三年）曹顥摺四十六件（清康熙五十四年至五十九年）按曹寅初爲江寧織造郎中康熙四十年兼管巡鹽御史四十四年江寧織造通政使司通政使寅故後曹

顥曹顥相繼爲江寧織造主事

江寧織造郎中臣曹寅謹奏恭請聖安臣寅蒙皇上天恩生全造就雖捐糜難  
酬萬一去年奉旨著與李煦輪管鹽務今又蒙欽點臣寅本年巡視兩淮臣寅  
聞命自天惶悚無地謹北向頂香九叩謝恩訖念臣寅於稚歲備犬馬之任曾  
無尺寸之效愚昧稚魯不學無術蒙皇上念臣父璽係包衣老奴屢施恩澤及  
於妻子有加無已鹽政雖係稅差但上關國計下濟民生積年以來委曲情弊  
難逃皇上洞鑒臣寅擬星馳赴闕謝恩恐駭物聽八月上旬料理運務已畢俟  
造冊報竣仰求皇上俯准陛見謝恩以申犬馬戀主之誠得以披陳下悃仰聆  
聖訓祇遵敬恪庶免覆餗之患謹具摺上奏伏乞睿鑒施行臣寅無任頂戴悚  
息激切屏營之至康熙四十三年七月二十九日

硃批朕體安善爾不必來明春朕欲南方走走未定倘有疑難之事可以密摺  
請旨凡奏摺不可令人寫但有風聲關係匪淺小心小心小心

江寧織造通政使司通政使

曹寅奏聞悉十八阿哥薨逝及異常之變摺

清康熙四十七年

江寧織造通政使司通政使臣曹寅謹奏恭請聖安臣於本月二十二日得邸

報聞十八阿哥薨逝續又聞異常之變臣身係家奴即宜星馳北赴誠恐動駭耳目反致不便二十三日以來民間稍稍聞知皆緞布兩行脚力上下之故將軍總督嚴禁盜賊目下江南太平無事米價已賤伏乞皇上少寬聖懷臣寅不勝激切瞻仰之至康熙四十七年九月二十五日

硃批知道了

江南織造通政使司通政使

曹寅奏報米價及熊賜履行動並進詩稿摺

清康熙四十八年三月

江寧織造通政使司通政使臣曹寅謹奏恭請聖安本月十一日臣家奴齎捧御批摺子回南奉旨江南米價有奏摺進來必入摺奏聞熊賜履近日如何欽此臣探得蘇州平常食米每石一兩三肆錢不等江寧平常食米每石一兩二三錢不等總因江西湖廣禁糴兼近日東北風多客船不能下來之故今地方督撫已經移文江廣開禁往前天氣大晴西南風多米船運行新麥上場米價可以無慮又河南光州固始等處係兩淮行鹽之地每年鹽去米回去年河道乾旱不能重運所以揚州米貴今年河路水好目下由洪澤湖下來頭船已到



淮安載米十萬餘石後仍有堆積三十餘萬石此米陸續一到江蘇價亦少可平矣再打聽得熊賜履在家不曾遠出其同城各官有司往拜者並不接見近日與江寧一二秀才陳武循張純及鷄鳴寺僧看花做詩有小桃園雜咏二十四首此其刊刻流布在外者謹呈御覽因其不與交遊不能知其底蘊謹據所得實奏伏乞睿鑒康熙四十八年三月十六日

硃批知道了並詩稿發回

江南織造曹寅奏報熊賜履病故摺 原摺附康熙四十八年九月摺內

九月初二日探得大學士臣熊賜履於八月二十八日未時病故臣寅身在儀真掣鹽於二十九日聞信即遣人探聽訪問何病用何醫藥據稱熊賜履先感寒成痢臥床數日遂不起臣理應即報恐傳聞不真謹探實具奏  
硃批知道了再打聽用何醫藥臨終曾有甚言語兒子如何爾還送些禮去纔是

江南織造曹寅奏報熊賜履臨終情形摺 原摺附於康熙四十八年十月摺內

熊賜履事蒙旨知道了再打聽用何醫藥臨終曾有甚言語兒子如何爾還送些禮去纔是欽此江南省中凡各衙門漢官定例七日後俱有報帖隨其官職大小即往祭奠有交情者厚薄不等臣於前月已送奠儀二百四十兩祭過其子已收再探得熊賜履臨終時感激聖恩遺本係其病中自作所服之藥乃江寧醫生歐怡戴麟郊胡景升張彥臣吳莊劉允吉之藥其病因脾胃不調用藥雜亂後來遂不肯服熊賜履今年已七十五歲老病衰殘飲食不進以致不起大兒子熊志伊年三十四歲係監生娶原任大學士余國柱女另宅居住不出交遊不知深淺小兒子一個去年所生一個今年所生聞其遺言命葬江寧淳化鎮之地不回湖廣謹此奏聞

硃批聞得他家甚貧果是真否

江南織造曹寅奏報熊賜履家產摺

原摺附於康熙四十八年十一月摺內

十一月初五日臣家奴齋捧摺子回南大學士熊賜履伏蒙御批聞得他家甚貧果是真否欽此臣細探得熊賜履湖廣原籍有祖遺住房一所田不足百畝

江寧現有大住房二所田一百餘畝江楚兩地房田價值約可七八千兩其內中有無積蓄不得深知在外無營運生理之處其家人上下大小約有百口熊賜履在日未聞其向人借貸之事其間或有門生故吏周濟或地方來往官員贈賂故過日充裕較之漢官大臣內亦屬中等過活未見甚貧臣謹據實奏聞伏乞睿鑒

硃批熊賜履遺本係改過的他真稿可曾有無打聽得實爾面奏

江寧織造通政使司通政使曹寅奏報江南科場案摺一清康熙五十年  
江寧織造通政使司通政使臣曹寅謹奏恭請聖安今就江南浙江盡屬豐年大田秋收新米價值六七錢不等今年豐收則來年無虞百姓謳歌太平優游無事惟是今年江南文場秀才等甚是不平皆云皇上洪恩廣額原爲振拔孤寒今中者甚是不公顯有情弊因而揚州秀才擾攘成羣將左必蕃祠堂盡行拆去後傳聞是副主考趙晉所爲始暫停息督撫俱有參章目下已拏二人俱是富商之子傳聞榜中不通文理者尙多所有地方情形並九月分晴雨錄理

合一並奏聞伏乞睿鑒

硃批朕安

二

謹奏臣自二月二十六日到揚州迄今一月臣留心打聽張鵬翮與赫壽所審吳泌程光奎之事吳泌買舉只追問李奇夫妻金子下落意在就李奇撞木鐘以結吳泌之事程光奎只認夾帶以結程光奎之事至於左必蕃趙晉二人及房考等俱未細問衆論以爲張鵬翮外則調停總督撫院了結此案而本意則不欲重傷主考房考以塞科甲徼倖之路赫壽亦因循可否以觀成敗總督噶禮實無包攬賣舉之事護庇葉九思事或有之解任之後雖有人衆保留皆以下官吏粉飾曲全殊無眞愛戴之者巡撫張伯行實因糧道參處自己亦誑誤調用當封印之際預聞京信兩下紛爭以有此疏欲復噶禮之仇亦非爲科場持公起見也解任之後亦有人衆保留率多秀才亦皆以下官吏粉飾曲全殊無眞愛戴之者衆人議論皆云江南百姓蒙天恩視如赤子屢免錢糧時加撫

恤督撫二臣不體貼聖衷安靜保護徒博虛名各爲己私互起朋黨殊無大臣之體張鵬翮身爲大臣理宜秉公持正力決是非而反周旋主考房考曲全兩造遷延時日不能無私自去年至今已經四月每日吊開單審並不對口並不再問程光奎之事只審吳泌一案並不問主考房考如何字眼關節只問原出首撞歲之人目下聞光棍李奇當審鞫之際頗多放肆之語謂衆人合謀將金子誣陷于彼以脫安撫藩司蔓延無辜總無斷決兩江官吏俱集揚州聽審地方遼闊數月之久未必不悞事宜又蘇州買舉之事尙未審錄馬逸姿承審人命一案亦尙未審錄如此遲延必至秋冬方能完結持平者衆論如此其爲嚙禮爲張伯行者各言各是臣不敢聽信謹據地方實在情形採擇上聞硃批再打聽再奏

三

謹奏打聽張鵬翮赫壽所審科場及督撫互參一案程光奎始終只認夾帶意在就夾帶以完程光奎之事不干連主考房考吳泌買舉只就李啟身上追究

子下落不干連主考房考意在就撞木鐘以結此事不意本月十六日五更涇縣知縣陳天立自縊身故陳天立乃句容縣供出以其實有三字來查吳泌卷子之人張伯行原參疏內著其弊跡今忽然自縊身故物議以爲或有逼勒身亡以圖滅口者細訪涇縣陳天立因三日前審事見刑訊句容縣知縣反招不認前語當夜回寓即行自縊有看守官通判當時救下次日即稟明張鵬翮赫壽彼時吩咐看守官他不過嚇人不要理他好好看守等語至第三日五更即在床上自縊而亡聞張鵬翮赫壽已行文安徽巡撫令其細問自縊原由據陳天立家屬報稱因係病發自縊者連日關門商議未定蘇州舉人已經覆試聞舉人席珩覆試文字與科場原卷筆跡不對席珩已供認夾帶鎖禁其餘四人發江都縣看守亦未定斷再所審禮張伯行二人互參一案每日在內對口各人自寫口供兩邊俱未見面難於輸服揆張鵬翮赫壽之意於察明京口將軍代奏保留摺子之內先請聖旨始行定局謹此奏聞

硃批衆論瞞不得京中亦紛紛議論以爲笑譚審事也不是這樣審的理但江

南合省都甚沒趣了想比滿州恨不得離開這差纔好再打聽再奏

四

謹奏科場事自進摺後數日來所審仍是吳泌買舉不問字眼是誰與的亦不問主考房考只問撞木鐘及出首之人大約以撞木鐘結吳泌之事保留總督京口將軍馬三奇奏江南已見邸抄臣到時保留總督及保留巡撫者各衙門俱有呈紙爲總督者大半爲巡撫者少半其鄉紳及地方有名者兩邊俱着名保留兵爲總督者多秀才爲巡撫者多或是偏向或是粉飾或是地方公祖借保留完其情面或是屬官各報答上司之情紛紛不一目下寂無言說矣昨日欽差纔傳說不干惹科場事的官員俱回去料理地方事及至進見只打發署蘇按察司回江寧北按察司回安慶因執審之期漸近恐其悞限期也謹此具奏

硃批知道了再打聽

五

謹奏打聽所審督撫互參一案張伯行參噶禮包攬賣舉得銀五十萬之說審過毫無跡據噶禮所參張伯行各款俱有舊案亦近挾憤彼此互賴均難輸服揆張鵬翮赫壽之意大約要各問一個不是候聖旨定斷程光奎吳泌買舉之事程光奎已認夾帶惟吳泌所供其實有三字關節情弊尙無着落聞房官供我們做房官只憑閱文送進有何情弊須問主考知道聞主考供字眼情弊都是他們房官知道今涇縣知縣陳天立已自縊身故無從追究大約只就李啟撞木鐘略及藩司馬逸姿及家人軒三問一罪名了結此案蘇州舉人席玕供認夾帶現行監禁其餘四人俱發江都縣取保再沈必耀人命一案已經質審聞大約仍照前任按察司焦映漢所審于準馬逸姿糧道李玉堂有失入之罪亦尙未定案外邊議論只以不問主考房官及光棍李奇爲有私心說趙晉係有囑託又係審事大人密友其意恐審出壞漢人仕進之名故不窮究大約不過以揆此兩字了結公事好惡之口紛紛不一目下赫壽往邵伯瓜洲兩處催趕糧船只張鵬翮閉門靜坐隔一二日喚三案內一二人問數語又復關門不




見動靜意似遮掩衆人耳目以寫本爲名大約是候察明保留本至京有信始行上本謹此奏聞  
硃批知道了再打聽奏摺來

六

謹奏探得張鵬翮赫壽梁世勳所審科場之事賄買舉人吳泌及光棍李啟等俱擬絞罪夾帶舉人程光奎並主考趙普房考方名王曰俞及藩司馬逸姿之家人軒三等俱擬僉妻流三千里爲軍正主考左必蕃先擬問徒今擬革職但主考房考始終不曾嚴問亦未得通同字眼及受賄之口供從前延緩原欲出脫主考房考之罪想因外論紛紛故臨期商量以揆此改入此罪外邊人又議論以爲如主考房考賄賣事眞罪不止如此之輕如無賄賣情弊罪不宜如此之重即藩司馬逸姿家人軒三如果夤緣賄賣亦應重擬如無夤緣情弊即應無罪何以一概混擬糊塗了事未免人心不服總之張鵬翮之意不肯明審以破面目留爲日後告覆之地其蘇州舉人席玕審係夾帶革去舉人枷責馬士

龍革去舉人無罪其餘三人仍准會試但席珩與程光奎均認夾帶一則擬流  
一則枷責事同罪異不知何意又督撫互參一案總督噶禮問降一級留任巡  
撫張伯行革職問徒外論謂此二人均有不平降革不一又沈必耀命案只照  
臬司焦映漢原審略更改一二即行定罪並未細問聞此案亦有未安人心不  
能悅服張鵬翮因以日子太久故將數案潦草了局總漕赫壽勸其再一研審  
務得實供張鵬翮不允已于本月二十日拜本起身往福建審事去矣如此大  
案審整半年並未審出真情以揆此二字結案此番張鵬翮在江南聲名大損  
人人說其糊塗徇私安徽巡撫梁世勳因張伯行有言總未同審每日在公館  
靜坐養病于本稿成時始去一會已回江寧執審署總督郎廷極與總漕赫壽  
在瓜州會審俞化熬糧船一案未回謹此奏聞  
硃批可笑



河南巡撫田文鏡密陳典史吏目不可改補正途摺

河南巡撫臣田文鏡謹奏爲據實密奏仰祈聖鑒事欽惟我皇上自御極以來勵精圖治凡有關於吏治民生之事莫不上厪聖懷務使徹底澄清斟酌盡善臣於雍正三年六月十六日接閱邸報見有吏部侍郎臣沈近思條奏典史吏目等官照依古制改爲縣尉州尉與教職平行補用正途等語但臣伏查吏目典史等官雖邀一命之榮實屬奔走之吏凡所屬城池倉庫以及監禁捕緝是其專司稍有疏忽無分風雨晝夜州縣得而驅使之他如遞解人犯護送錢糧並一切差委事件又其兼掌州縣並得而任用之然而此等末吏從不敢與州縣抗者因自問出身卑微且旣爲州縣所轄自不得不聽其約束任其驅策也今如條奏內開補用正途照府廳之例與州縣有正佐之分不行屬下之體其弊遂有不可勝言者蓋位即相等州縣便難委任毋論捕緝夜巡得以托辭推諉即或遇有緩急亦多呼應不靈此不便於州縣者一也且此等官員原無厚祿以養廉而飢寒逼迫非仍蹈猾吏之所爲即日與州縣各官爲難此詳彼揭

雀角無休此不便於州縣者二也臣查雍正元年十二月二十二日奉到新例各省舉人無論已未就揀選之員除一科之外督撫每於鄉試事竣會同主考官將情願就知縣者傳集秉公驗看凡年力精壯可以作縣者造冊給文各員赴部銓選其有年老精力衰邁不能作縣及年雖未衰自知才具平常情願改教者俱准於本處具呈改就教職再有已經截取自知年老才庸情願改教者亦准其具呈改用等因具題奉旨依議欽遵在案則是舉人一項年力精壯可以作縣者已有赴部銓選之例况復蒙我皇上軫念人才停止捐納此項已極疏通選期甚速豈肯復就吏目典史之職如將改授教職之舉人令其具呈改補必係年老昏瞶以及貪鄙猥瑣之流豈堪復任補務此不便於地方並不便於銓政者三也再此等微員乘騎之日少徒行之日多乃既事詩書更兼年老必須肩輿出入方能動移而欲其經年作苦跋涉道塗勢必有所不能此不便於正途者四也又查吏員一項各衙門並無額設工食而愿充此役者不過希圖役滿之後考授職銜榮登仕籍臣查銓選則例內開爲途甚廣尙僅選至康

熙二十四五兩年而止今若將典史一缺改補正途益無銓選之期必致人皆畏縮名缺虛懸而乏人供應不便於各衙門者五也有此五弊臣愚以爲改補正途總不如銓選吏員之爲得也至於假印抽憑之事律載甚嚴凡假與人官者斬知情受假官者杖百流三千里近又屢准部咨封發文憑分發各州縣對明年貌履歷照例憑各出具印結及原考職執照捐納執照同原匣一併繳部如有出身不明不好及年老殘疾之人並年貌履歷不符者該州縣亦即詳報驗實革退咨部開缺等因立法已極周詳其弊自可漸絕若夫吏目典史在於任所舞弊弄法害人詐財及養賊分贓等事則又在責成地方各官不時察訪嚴參重處此輩自斷無不知斂跡况恭逢我皇上於雍正二年冬舉行計典特恩澄叙典史雜職俱得與州縣一體卓異凡有人心者豈不知爭自濯磨以赴功名之會而甘心自居不肖身蹈刑辟乎似益可以毋庸再爲更改者也又查條奏內開唐宋進士初第縣尉與拾遺史館侍御史中書舍人知州縣事並論獨不思法有宜於古者亦有宜於今者並有宜於古而不便於今者亦有可行

於古而不行於今者甚不可以致一論也臣查往時州縣等官其位甚尊其權最重位尊則州尉縣尉與今之吏目典史無異權重則州尉縣尉不敢與州縣相抗今若變易其制而州縣已非往時之州縣其能保州尉縣尉之各任驅使乎臣伏思我皇上明並日月自有乾斷而九卿大臣集議具奏要無不慎重周詳自毋庸臣預爲瀆奏但臣蒙皇上天恩至深至渥而一點犬馬報主之誠時形寤寐今職任封疆深見此事以爲斷不可行不敢不繕摺密奏伏乞皇上俯賜睿鑒爲此謹奏雍正三年六月二十一日

硃批部議不准行此摺無用

河南巡撫田文鏡奏謝被謝濟世疏參蒙秉公決斷摺一

原摺夾簽一此係密奏之摺硃

批內有密諭田文鏡之旨並有硃筆圈改之處奉旨不錄

河南巡撫臣田文鏡謹奏爲遵旨恭繕謝恩奏疏進呈睿覽事竊臣於雍正四年十二月十七日准兵部發內閣大學士臣富寧安朱軾張廷玉字一封欽奉諭旨河南巡撫田文鏡被御史謝濟世特疏糾參朕秉公據理降旨決斷田文

鏡見旨後自應具本謝恩爾等三人可密寄信去令伊將謝本先從奏摺內進呈朕覽發回伊再具本欽此臣受恩深重急欲奏謝遵旨先將謝本進呈睿覽惟因未准部文行知不敢冒昧奏謝經臣奏明在案今於雍正五年四月十三日准刑部咨遵旨重審事案內錄有上諭一道臣跪讀之下涕泗交零淚盡繼血臣何人斯蒙皇上怙冒微臣如覆載之大鑒照微臣如日月之明栽培而植立微臣如雨露之渥內外大小臣工有如臣之受恩深重者乎千古以來凡爲臣子者有如臣之受恩深重者乎臣清夜自思實所未有然非臣之愚所能仰邀聖恩一至此極惟生而遭逢聖主極天亶天縱之聰明無微不照無隱不通故至此也臣蒙皇上天恩由布政使陞授巡撫幸蒙皇上訓誡諄諄臣細繹聖訓逐字奉行故數年以來幸免隕越此皆我皇上訓誨之恩也如臣在任有一事敢於欺君罔上臣必不能瞞衆人之耳目而掩其指摘之口臣嘗爲隆科多所排年羹堯所擠然彼未必能明指臣之劣蹟也未幾而李紱入告矣未幾而佟鎮內揭矣

硃批將此酌量添入

疏內

一節 倘黃振國汪誠邵言綸張球等案之外如臣所行



之事尙有一二足以誅臣殺臣者李紱或不盡知佟鎮必不輕恕今於欽差審明之後九卿議奏之時忽有臺臣謝濟世從而糾參科道係朝廷耳目近臣督撫而干科道糾參則罪不容道而法無可挽矣乃蒙皇上離明乾斷不但不將臣治罪而反將謝濟世革職命往阿爾泰軍前効力贖罪此乃我皇上爲天下萬世人心風俗計一皆本於大中至正之天心而準乎公是公非之至理臣又何敢復言但皇上因參劾臣而處分言官臣不勝恐懼悚惕之至蓋臣之愚而被人攻擊者多矣皇上赦臣亦已屢矣而且加恩保護不使少有動搖者又深且切矣且臣平心而論臣實不能無罪即如張球之不肖臣不能覺察而反被其欺瞞臣雖認過請罪蒙皇上天恩寬宥部議於張球諱盜案內將臣照狗庇例議處又蒙皇上天恩銷去臣加三級抵降三級免臣調用在案則是臣罪原重處分原輕皇上加恩於臣原爲獨隆實未足以滿怨臣者之口而快恨臣者之心此臣之宜罪一也謝濟世奏稱將臣治罪則中州士庶罔不歡欣百爾臣工咸知儆誠臣待罪中州旣不敢以私恩小惠得人懽心紳衿之中有抗欠錢

糧武斷鄉曲者臣嫉之如仇而不能容百姓之中有土豪地棍唆訟作奸者臣治之如律而不敢恕其歡欣可知即安分之紳衿力田之百姓平日凡有澤及斯民之事臣必明白曉諭宣布皇上恩德並不敢從中市惠邀名亦未必遂有私於臣者至於百爾臣工與臣同事皇上君臣大義素所共明皇上於臣如此加恩而臣如此負職以臣爲儆戒者亦復不少臣實不能免此二言此臣之宜罪二也總之皇上至聖至明超越千古凡事俱無庸臣再爲申辯亦無庸臣再爲陳奏臣自問賦性庸愚又復戇直致怨招尤日深一日雖蒙皇上加恩保護從此皆知皇上聖明秉公據理譏言謗語不但無益而反致獲罪然臣不敢不因此一番益加小心痛自刻責以仰報皇上天恩若因皇上震怒之後無人敢言遂有所恃而稍侈臣心則雷霆誅殛臣身狗彘不食臣餘矣所有微臣謝恩奏疏先行恭摺進呈睿鑒至於謝濟世參臣原疏蒙皇上所下諭旨尙未准部臣行臣欽遵合併奏明爲此謹奏雍正五年四月二十八日

硃批覽

河南巡撫臣田文鏡謹奏爲恭謝天恩仰祈睿鑒事竊臣於雍正五年四月十三日接准部咨內開奉旨黃振國係大計參革之員因蔡珽在朕前力薦是以特用爲河南信陽州知州乃黃振國不知感戴朕恩但知倚仗蔡珽勢力恣肆忘行索取財賄經田文鏡據實糾參比時朕諭蔡珽曰黃振國背朕深恩負爾薦舉田文鏡不稍瞻徇即行參奏於爾大有裨益爾當深感田文鏡而痛恨黃振國方得大臣公忠之道若不如此則與年羹堯無異矣乃蔡珽不遵朕訓固執私心自黃振國被參之後不但深恨田文鏡且於朕前懷怨望之意李紱自廣西來京陛見在朕前力爲黃振國汪誠邵言綸稱冤且言田文鏡欲致死黃振國以滅口隨經欽差審理並無影響今謝濟世又特參田文鏡其中言黃振國汪誠邵言綸諸事一一與李紱之言脗合蓋李紱原係蔡珽門下又曾受其薦舉而黃振國則蔡珽保薦之人故私相固結如此從前朕有明旨凡屬員被參負屈者俱令赴都察院申訴使黃振國等果有冤抑亦只應赴都察院辯理

而乃暗中要結多人造作無影響之言此倡彼和始則令李紱密陳於朕前今又令謝濟世顯參於章奏公然結爲大黨撓亂國政顛倒是非實係大光棍今既事事敗露若不嚴加懲創則朋奸結黨之風不能止息有害於世道人心不淺黃振國應照光棍例立斬至於汪誠以借貸鹽商銀錢被參其處分不過止於罷官並無累及身家性命之處乃汪誠各處營求冀翻前案李紱謝濟世相繼爲之辯雪此等鑽營不法之徒斷不可不重加懲治應擬斬監候秋後處決此二本著發還刑部等衙門另行具奏邵言綸比附匪黨鼓動李紱謝濟世爲之陳奏又如原任革職唐縣知縣關礮以行賄被參乃不安分守法營求侈錮寄信與隆科多稱揚其善以圖僥倖邵言綸關礮均屬可惡著僉妻發邊衛充軍凡地方督撫大吏所管屬員不下數百人一時訪聞不確參劾之間或有屈抑亦事之所不免被參者惟有安於義命靜候朝廷定奪乃爲臣子之道豈有結黨橫行造言生事蠱惑大臣科道官員傾陷其上司以快其報復之理况田文鏡之所參黃振國汪誠邵言綸等各案經欽差審明本無屈抑而伊等輒敢

肆無忌憚若此朕若不秉公執法以儆刁風則天下督撫尙可爲乎即如江西道員孫蘭苾因事解任之後私致書與查嗣庭辯白其枉將來審明之時若孫蘭苾無過則已倫有過而向人強訴必從重治罪謝濟世奏稱若將田文鏡治罪則中州士庶罔不歡欣百爾臣工咸知儆戒今朕特將黃振國汪誠等治罪以快中州士庶之心以爲百爾臣工之戒欽此到臣臣伏讀之下不勝感激惶悚伏念臣一介寒微至愚極陋仰蒙聖祖仁皇帝參養深恩歷仕四十餘年拔置清華侍從內闕恭遇皇上纘承大統逾格擢用由布政使畀以巡撫重任受恩深重圖報無由且臣旣無祖父門第更乏交際提携孑然孤立親戚亦無委致旣專瞻顧盡絕三年之前臣即知任怨招尤在所不免然臣之敢於奮不顧身者惟恃皇上聖明超越千古覆載無私旣如乾坤之大隱微必照又同日月之明臣又何慮臣又何危但臣竊以爲一味躄直恐有踈虞刻意慎重謹而又謹凡參一屬員惟恐訪聞不確幾費躊躇必實在劣蹟彰著確有可憑委難一刻姑容者方敢列諸章奏臣又以爲平民誣告尙有反坐加等之條督撫誣參

更當律以欺君罔上之罪如黃振國汪誠邵言綸等俱蒙欽差刑部侍郎臣海壽工部侍郎臣史貽直審明如少有冤抑欽差豈肯代臣容隱臣總不懼冥誅豈敢不畏國法臺臣謝濟世風聞糾參職固當然在欽差審後風聞應併參欽差不應止參臣一人方見公直今蒙皇上秉公執法特下諭旨此係我皇上如天如地之聖心至公至明之乾斷解散朋黨懲劊刁風俾天下臣工仰見皇上天心莫不感激奮勵各釋憂讒畏譏之私懷而共矢致身事君之大義並非因臣一人委曲寬宥但以臣之罪積謗騰上塵天心震怒犬馬之私實有未安況臣賦性庸愚受此天高地厚之恩無從仰報今臣年六十六歲精力漸不如前雖深自勉勵豈敢自信爲無過萬一奉職無狀不但上負聖恩抑且獲罪後世臣用是惴惴食不知味寢不安席矣然臣一點天性愚誠則不特臣在生一日當竭蹶圖報一日即委填溝壑之後生生世世敢不矢效犬馬以盡臣心此臣敬書至此泣血哽咽而不能言也所有微臣感激私忱理合恭疏奏謝伏乞皇上睿鑒施行爲此謹奏雍正五年四月二十八日

硃批好將前摺圈出者增上

河南巡撫田文鏡奏參知縣傅之誠虧空耗銀摺

原摺夾簽一此摺硃批  
內有密諭田文鏡之旨

奉旨  
不錄

河南巡撫臣田文鏡謹奏爲敬陳特參虧空耗銀之參員以肅法紀仰祈聖鑒  
事竊臣伏查耗羨銀兩原爲辦理地方一切公事及傾銷起解錢糧路費並各  
官養廉而設從來已久然向係地方官經收不解往往侵蝕入己及至凡遇公  
事仍行派累里民故於雍正二年經前撫臣石文焯奏請提貯司庫充公除扣  
存養廉解費之外所餘無多解存司庫一應公事取辦于此以杜私派之弊即  
因公動用俱有文案絲毫不容苟且經臣節次繕摺奏明在案不謂中有不肖  
之員以爲耗羨銀兩非正項錢糧可比即有侵用科臣不敢題參恣意虧空如  
光山縣參革知縣傅之誠者竟將雍正元年並二三年已徵在官耗羨共銀  
一千四百六十八兩零虧空無存臣查耗銀雖非正項錢糧但已經奏明徵解  
充公自應盡數起解豈容經徵之官擅自侵用若不題參究追誠恐各屬盡皆

効尤任意侵蝕將來歸公之說竟屬有名無實而一遇地方公事憑何應用勢必仍派里下貽累小民漸不可長茲據布政使臣費金吾詳揭到臣除將傅之誠繕疏題參外合將虧糾參緣由繕摺奏明仰祈聖鑒爲此謹奏雍正四年七月二十二日

硃批此事甚是但不當以耗羨虧空參處何不將正項作耗羨銀子有印記乎但不知光山可有如許正項否朕不知也朕何故有此旨至擬衆條款恐難引例也已過之事此乃閑論耳

蘭州巡撫許容奏繳硃批並估賣塞思黑衣物摺

蘭州巡撫臣許容謹奏爲恭繳硃批事竊照署撫臣張廷棟參奏李元英抵換侵吞塞思黑物件一摺臣同李世倬遵旨逐一查審一面將審出各情由繕摺具奏一面將李元英供出法海原交無印底冊二本密發寧夏府知府鈕廷彩親向法海查問確實後據法海回稱這兩本是原冊子等語正在具奏間於本年六月初三日臣家人自京捧齋前摺回署蒙皇上硃批若止此罪尙可原此



事不必察究將物件估價變賣交內務府查收可也欽此遵即飭令按察使李世倬將各物定議估變外所有張廷棟交到硃批原摺一件擬合另封恭繳再查李元英任內別項欸蹟現在逐一查審俟審明遵照部文具題合併奏明伏乞睿鑒爲此謹奏雍正七年六月初六日

硃批知道了此非朕施恩與李元英之意事應如是結者莫錯會朕意將別案不肯秉公據實卜度迎合胡亂開釋也

西安布政使張廷棟奏李元英抵兌塞思黑衣物摺

署理甘肅巡撫西安布政使臣張廷棟謹奏爲奏明事竊照搜查出塞思黑金銀首飾器皿珠玉銀兩皮氈絨緞衣物等項係欽差尙書法海帶同原任參革按察司李元英前詣西大通地方於雍正四年十月內眼同搜查明白經尙書法海一面具摺奏明一面將銀物等項知會交與李元英轉交前撫臣石文焯解京入官其銅鐵錫器並零碎物件就在地方變價在案乃遷延兩載尙未解京臣莅任之日當即嚴查催解嗣據布政使孔毓璣按察使李世倬會詳稱

遵查塞思黑衣物有已變價者有未變價應請解京者隨傳詢原承變之蘭州參革同知陳師旦回稱此案發賣與存留解京各物係前司李元英與陞院石文焯酌議分晰造冊其變賣價值則係前司李元英一人主張等語但查欽差大人摺奏如何奉旨之處既未行知現在存留解京之銀物應解交何衙門之處亦未咨請部示今若遽行解京在已變之物是否實價有無價值短少之處自應向經手主張價值之前司李元英與承賣之蘭州參革同知陳師旦是問而解交之物倘內部未即允收恐蹈朦混之咎莫若將未變各物傳同原經手之前司李元英等逐一驗明白封貯並將已變各物價值亦逐件開明繕造清冊然後將銀兩衣物解交何處詳請移咨內務府並咨明刑部聽候示覆遵行等情呈詳前來經臣批令即速點驗明白分晰造冊詳請移咨去後今據布政使孔毓璞按察李世倬稟稱職司等點驗未變各物內有缺少不符者甚多且首飾衣服所綴之珠石領袖悉係拆卸無存今雖據前司李元英將缺少物件繳出查並非原物其已變紬緞皮氎衣物又皆多係開註破舊蟲蛀字樣容

俟逐項查詢明確另報等語臣查塞思黑銀兩衣物係欽奉諭旨特遣尙書法海搜查解京入官之項其搜出金銀首飾器皿珠玉綉緞皮襪衣物自係細軟貴重之物必非尋常破舊民間物件可比而前司李元英係跟隨搜查經手之員今既據該司等將未變各物查出缺少不符者甚多而首飾衣服所綴之珠石領袖又復拆卸無存即繳出缺少物件亦非原物其已變各物又皆開註破舊蟲蛀字樣則李元英之恣意抵兌侵吞捏飾減價之處情弊顯然除嚴飭該司等刻將抵兌侵吞情由逐一嚴查明確據實揭報以憑參奏究擬著落追賠外合先繕摺奏明伏乞皇上睿鑒施行爲此謹奏雍正七年正月二十九日具硃批豈有此理再未料李元英負恩無恥至於此極著嚴察審明據實摺奏此事不必具題查明賠補清楚時咨補轉交內務府請旨將此批諭奏摺密發與許容李世倬可也

蘭州巡撫許容奏審訊李元英情形摺


蘭州巡撫臣許容謹奏爲奏明事雍正七年三月二十四日准前署撫臣張廷

棟密交參奏李元英抵換侵吞塞思黑金銀首飾器皿衣物一摺奉硃批著臣同李世倬嚴察審明據實摺奏臣遵旨率同李世倬將李元英與前撫臣石文焯酌定解京金銀首飾器皿皮氎絨緞及已估未變各物逐一查驗並將李元英嚴加審訊據李元英供稱各項物件俱係蘭廳陳師旦收貯首飾上缺少的珠寶衣物上缺少的領袖簪子上正珠假珠現有法海交下原摺底冊開註明白只求查對就明白了實係原物並無抵換侵吞的事質訊陳師旦並伊經手家人何鬻子廳書吳國琦僉供這挑出解京金銀首飾器皿皮氎絨緞各物實係原物並無抵換但李元英收存法海交下底冊並無印信難以憑信臣現在差官向法海查詢明白方定虛實至拆卸衣上領袖鈕扣訊據李元英供稱原爲估變所以拆卸另估了十兩多銀子實係卑鄙淺識等語質訊陳師旦等供稱拆下之時原未拿去後來變價係李元英與石文焯分買等語復訊元英俯首認罪又據陳師旦等供稱元英家人佟三抵換天馬皮馬褂一件貂皮袖口二副銀鼠袖口一副任二抵換貂帽一頂訊據李元英供稱法海交下底冊並

沒這件天馬皮馬褂實係解京冊內誤開窺令賠補至修三任二抵換袖口貂帽直至今日審出纔得知道平昔不能查察有何辯處復訊陳師且等堅供修三抵換天馬皮馬褂是實且院司買去各物俱係修三一人經手拿到修三時情愿與他質對查修三訊據李元英供稱差往倉頭俟拿獲之日再行質訊至變賣之物查法海原摺奏止令將銅錫器皿零星物件變價解京乃擅自主張任意賤估又自行挑選分買并縱容幕賓家人衙役書辦買用及私註破舊虫蛀字樣訊據李元英供稱因爲法海奏了沒有部示所以巡撫石文焯具摺奏請後奉旨意批下摺子著在本地方變賣因而估變的先因陳師且估價太賤元英親往陳師且署中逐項增估呈請石文焯核示石文焯以廳估太賤司估太貴恐難變價諭令元英於二者之中折中定價又因邊地急難變賣石文焯諭令院司等各衙門分買元英係經手承辦之員不合聽從折中又不合聽從分買亦不合縱容幕賓家人書役買用雖經布政使孔毓璞照依元英所估貴價勒令增補實覺無私有弊至開註破舊虫蛀係舖戶人等公同驗看登註冊

內元英種種罪戾擢髮難數蒙皇上不即加罪猶令審明是皆皇上天高地厚務使罪案昭著元英愧悔無地生不如死惟望據情具奏將元英嚴加治罪等語臣等查李元英受恩深重不思報効交給之事並不秉公辦理貪利肥己賤估自買並不能覺察家人抵換衣物各情節庭訊之下自知罪無可逭俟臣等將李元英收存法海交下底冊查詢明白並拿到佟三嚴審確實另行繕摺請旨遵行其所供石文焯諭令折中分買並石文焯買過物件亦容臣確查奏請就近查訊所有審過此案情由合先繕摺奏聞伏乞皇上睿鑒爲此謹奏雍正七年四月十五日

硃批若止此罪尙可原此事不必察究將物件估價發賣交內務府查收可也



清嘉慶朝中外通商史料

嘉慶十八年三月三十日上諭

嘉慶十八年三月三十日內閣奉上諭據德慶奏查辦關務情形一摺粵東洋商承保稅餉向來僅憑一二商人保舉准充旋因虧折疲乏拖欠逋逃弊竇叢滋著照該監督所請准於各行商中擇身家殷實居心誠篤者選派一二人令其總辦洋行事務率領衆商公平整頓其所選總商先行報部存案遇有選充新商時即責令通關總散各商公同聯名保結專案咨部如有黜退報部註銷並於每年滿關日將商名通行造冊送部以備稽考該部知道欽此

德慶摺

清嘉慶十八年三月  
清軍機處存檔

奴才德慶跪奏爲查辦關務情形恭摺奏聞仰祈聖鑒事竊照外洋夷商重譯梯航來廣貿易全賴洋行商人妥爲經理俾知樂利響風以昭天朝綏懷遠夷至意奴才蒙恩簡任以來一切俱有舊章可循尙無應須查辦之事惟查舊卷見從前辦理洋商欠餉之案俱移會督撫將乏商家產查封變抵其不敷銀兩



著落接辦行業之新商代爲補足如行閉無人接開衆商攤賠完結倘再有虧欠夷人銀兩即會同督撫專摺奏明從重治罪歷來辦理無異即如嘉慶十五年間有福隆行洋商鄧兆祥虧餉潛逃經前監督常顯移會前督臣百齡檄飭地方官一面嚴緝一面將該逃商家產查封備抵稅餉其行業查有職員關祥向在該行司事其子關成發亦隨父幫辦有年經洋商黎顏裕結保關成發接辦福隆行務即責令先行墊完鄧兆祥所欠稅餉俟查明鄧兆祥遺產給領變抵雖經辦結在案而鄧兆祥尙未弋獲未得即加創懲現在飭行地方官上緊嚴緝務獲究辦奴才伏思洋商承攬夷貨動輒數十萬兩承保稅餉自數萬兩至十餘萬兩不等責任綦重非實在殷實誠信之人不克勝任向來開設洋行僅憑一二商保舉即准充商並不專案報部本非慎重之道遇有一商虧餉每致貽累通行而不肖疲商于夷船進口時每有自向夷人私議貨價情願貴買賤賣只圖目前多攬夷貨不顧日後虧折迨至開徵即形支絀揆厥所由抵因向無總商辦理未能畫一衆商爭先私攬相率效尤遂成積習奴才到任後訪

悉前情當即嚴行飭禁並督同一二誠實殷商隨時稽查極力整頓兩年以來各商辦理尙無貽悞惟商力急切未能全臻充裕徵稅課仍有竭蹶情形如將稍乏之商概行革退另招新商則一時難得其人且生手不諳夷情更恐辦理不善奴才與督臣蔣攸銛再四講求與其紛更而無當不若因時以制宜商人之弊巧雖多同行之耳目難掩祇以向無董率之責殷商避怨而隱容乏商效尤而競利遂致積習難返關務日疲今欲整關務須察商情欲除弊端須專責任惟有于各行商中擇其身家殷實居心公正者一二人飭令總理洋行事務率領衆商與夷人交易貨物務照時價一律公平辦理不得任意高下私向爭攬倘有陽奉陰違總商據實稟究奴才仍不時勉諭各商崇儉黜華各顧大體以期積弊盡除商力漸裕並嗣後如遇選充新商責令通關總散各商公司慎選殷實公正之人聯名結保專案咨部備查倘所舉不實或有虧欠餉項情事著落原保商賠繳其因事革退者亦隨時咨部註銷每年滿關後仍將商名造冊隨同各冊檔送部查考以昭慎重如此立定章程庶現在各商可望日有

起色將來亦不致濫用非人貽累關務奴才愚昧之見是否有當謹將辦理緣由恭摺具奏伏乞皇上睿鑒訓示謹奏嘉慶十八年三月三十日奉

硃批欽此

噴咕喇國隘咄咄稟

清嘉慶十七年九月  
清軍機處存檔

噴咕喇國隘咄咄稟請中堂松大人萬福金安切隘前蒙大人恩典甚厚久已銘在心上迄終身無不日日刻刻感激之至矣惟願大人福壽無疆永受大皇帝龐命事事如意茲隘奉敕國學士囉吐囉囉味喇文書諭令隘代拜候大人現在敕國學士記憶懇蒙大人禮待前進京朝見使官嗎嘎囉呢又聞大人前奉聖旨命任兩廣總督甚喜恭賀恭賀願大人永享天賜之萬福爲此謹稟赴中堂大人爵前施恩鑒照嘉慶十七年九月十五日稟

兩廣總督兼署廣東巡撫蔣攸銛粵海關監督祥紹會奏摺

清嘉慶十九年正月清軍

機處  
存檔

兩廣總督兼署廣東巡撫臣蔣攸銛粵海關監督臣祥紹跪奏爲粵東洋鹽衆

商懇請捐輸賞需銀兩恭摺奏懇天恩俯准賞收事竊據洋商伍敦元電棣榮等鹽商李念德許秀峰等呈稱商等現聞河南滑縣匪徒滋事大軍業已雲集指日即可蕩平此後犒賞賑卹及睢州河工需費浩繁雖國帑豐盈無須徵末惟商等海隅服買渥被皇仁感奮下情不能自己今洋商情願捐輸銀二十四萬兩鹽商情願捐輸銀十六萬兩懇照向辦章程先於藩運庫內借支撥解商等自嘉慶十九年爲始分限八年解繳全完等情由藩運兩司具詳前來臣等察看衆商情詞懇切出於至誠合亟仰懇皇上天恩俯准賞收並先於藩運庫內借撥分限八年由該商等解完歸欸以隨其急公報効之忱恭俟奉到諭旨後臣等即委員分批起解謹合詞恭摺具奏伏乞皇上睿鑒謹奏嘉慶十九年正月二十一日奉硃批另有旨欽此

蘇楞額摺

清嘉慶十九年  
清軍機處存檔

奴才蘇楞額謹奏爲嚴禁海洋私運以裕民商仰祈聖鑒事向來外洋夷民准與粵東沿海地方客商以貨物互相交易至內地金鐵銅鉛與外夷洋錢銀兩

均不得互相販運律載綦嚴近年以來竟有夷商賄連洋行商人藉護回夷兵盤費爲名將內地銀兩絡繹偷運每年約計竟至百數十萬之多並將外洋低潮銀兩製造洋錢又名番餅又名花邊每個重七錢三分五釐始則帶進內地補色易換紋銀沿海愚民私相授受漸漸流行邇年居然兩廣楚漢江浙閩省暢行無忌夷商以爲奇貨可居高擡價值除不補色外每個轉加算銀七八分不等而民間買賣希圖使用簡便情甘加算於是交易半用洋錢內地銀兩翻覺艱於轉運兼之出洋銀兩過多以致時形短絀在夷商已將內地足色銀兩私運出洋復將低潮洋錢運進任意盤踞欺朦商賈不但有干例禁且於中華民生樂利日被侵耗商賈往往貪易洋錢而於貨物轉爲末務以致關權稅課盈餘銀兩漸形虧短若不亟早嚴禁實於國課民生大有關係查律載金鐵銅鉛不准出洋而銀兩雖無專條禁止然同爲金屬且用項繁多亦應一併禁絕應請勅下兩廣督臣粵海關監督嚴禁各口如有夷商偷運內地銀兩及販進洋錢交易者從重懲辦並請旨交各省督撫將現在民間使用洋錢應如何籌

酌辦理飭禁悉心妥議俾不致驟形虧折庶利弊肅清而商民盈裕矣所有奴才管見所及是否有當伏祈睿鑒訓示施行爲此謹奏嘉慶十九年正月二十五日

福州將軍兼管閩海關務奴才札拉芬摺

清嘉慶十九年八月  
清軍機處存檔

福州將軍兼管閩海關務奴才札拉芬謹奏爲夷船循例免稅恭摺奏聞事竊照琉球國接貢船隻於嘉慶十八年十月內到閩所有進口免徵稅銀經奴才專摺奏蒙聖鑒在案今該船事竣回國據委管南臺口稅務防禦善德稟據攜回使者麻允榮開送該船置買內地貨物清冊核計應徵稅銀四百七十七兩九錢七分五釐奴才當卽查照向例批令免其輸稅以廣聖主柔遠深仁並宣示夷使去後隨據該委員善德稟報使者麻允榮率領官伴水稍人等歡欣感激赴關望闕叩謝天恩於嘉慶十九年四月十九日開行出口回國等情奴才謹恭摺奏聞並將免過稅銀數目另繕清單敬呈御覽伏乞皇上睿鑒謹奏嘉慶十九年八月初一日奉

硃批知道了欽此

兩廣總督蔣攸銛巡撫董會奏摺  
清嘉慶十九年十一月  
教增粵海關監督祥紹  
清軍機處存檔

兩廣總督臣蔣攸銛巡撫臣董教增粵海關監督臣祥紹跪奏爲密陳夷商貿易情形及所籌整飭洋行事宜恭摺奏請聖訓事竊照粵東省地居瀕海番舶雲集各國夷商藉資貿易以裕生計其所以仰沐皇仁者至優極渥該夷商因遠涉重洋每貨船十數隻有兵船一二隻護送抵粵後俱泊外洋由該國通事報明澳門同知飭令內地熟悉河線民人將貨船引帶由虎門海口駛入黃埔內港灣泊納稅售貨其兵船仍泊外洋俟貿易事竣貨船出口該兵船仍護送回國是於懷柔之中仍寄防困之意立法原爲妥善溯查貿易各國有噶喇西荷蘭呂宋咪喇啞啞咭喇堪噉啞國等處貨船每年多寡不齊自嘉慶七年以後各國船隻稀少惟啞咭喇國祖家船港脚船咪喇啞國船爲多此外祇呂宋國間有船一二隻來粵近聞啞咭喇與咪喇啞彼此構釁時相劫奪貨財此係洋商傳聞之詞且事在夷洋不值過問本年夏間有咪喇啞國貨船一

隻進口隨有暎咭喇國囉嚙叱兵船隨帶小快船啣尾駛追經守口員弁登時將該船逐出外洋臣等當飭洋商通事嚴詰暎咭喇大班隘咭啞因何不行約束令其切實稟覆旋因暎咭喇國及咪喇嚙時有貨船駛至而暎咭喇之護貨兵船雖不敢駛入內洋時至虎門外海口往來游戀屢經驅逐倏去倏來情形詭譎必須示之以威臣等當即就近調齊中路巡洋舟師排列虎門海口檄令提標中軍參將吳紹麟等督率各仞弁申明號令整肅隊伍連環操演鎗砲以壯聲威一面檄委辦事明幹之佛岡同知福蔭長偕同香山縣知縣馬漁滋親赴澳門飭傳該大班隘咭啞面加詰責據通事譯據該大班稟稱實因咪喇嚙曾在外洋搶過該國貨船挾有仇隙希圖乘間報復等語臣等復飭該委員等諭以該二國在海外有無蠻觸一面之詞不足深究茲既駛至內地洋面即應凜遵天朝禁令何得妄思報復應速飭令該國兵船遠泊外洋等語僱貨船護送回國如敢不遵不但將該兵船立時擊沉定常奏明大皇帝停止該國貿易若咪喇嚙國兵船有違功令亦應一致照辦天朝大公無私並不稍存偏護亦



不能稍爲姑息等論該大班隨即遞稟謝罪其囓嚙叱兵船旋已揚帆回國尙有護送貨物兵船二隻俱在外洋往年灣泊地方現在各夷商照舊貿易安貼如常臣等訪得南洋諸夷以啖咭喇爲最強而並非富饒惟藉貿易爲資生之計其貨物不到內地亦別無銷售之處且呢羽鐘表中華儘可不需茶葉土絲彼國斷不可少是其不能不仰給於貿易者其理易明惟是懷柔駕馭必當杜漸防微粵民趨利若鶩首在查禁漢奸近年如租借夷人貲本及拖欠夷債之鄭索謙吳士瓊沐士芳等均經照例懲辦現復訪有曾爲夷人服役積有家產朦捐職銜仍與夷人交結之李耀即李懷遠一名業經拏護查抄審明定擬具奏在案臣等仍督飭地方密加續訪如有似此者均應逐一嚴懲殊批甚是並不准民人私爲夷人服役責成洋商通事稽查其住居澳門及省城十三行之貿易夷人不得搭蓋夷式房即售賣夷人衣履之舖戶亦不得用夷字店號以杜勾通而嚴區別向來兵船護送貨船到粵貨船自行進口兵船即駛往伶仃潭子洋面停泊嘉慶十四年原奏但稱不許進十字門及虎門各海口語涉籠統嗣

後應仍循其舊不得駛近內洋亦不准於所護貨船出口之後復有逗遛致干驅逐至設立洋商令其互相貿易即藉以稽察夷情必需身家殷實辦事明妥者交易始能公平不欠夷人私債庶不致爲夷人所輕視邇來充當洋商者共有十人實在貲財素裕者不過三四家其餘雖皆有同商互保承充而本非殷實不過圖得行規承充復又不善經理無處揭借不能不欠夷人之賬既有夷賬即不能不賒客商之貨以抵還夷人迨至積欠愈多不敷挪掩爲夷商所挾制是以評估貨價不得其平內地客商轉受虧折之累若俟該疲行陸續乏敗時再行清理恐有積重難返之勢向例貨船出口海關監督衙門發給印照回國即取有夷人兩無蒂欠夷字甘結存案此事竟成故套難以憑信臣等再四熟商擬俟冬春交易事畢派委明幹大員督飭總商伍敦元盧棣榮確查各商私欠夷賬多寡如爲數有限易於歸結者勒限清完准其承充外倘拖欠過多不肯據實供吐即應奏明斥革將承辦貿易行規歸于殷商分辦仍照向辦章程查抄變抵不敷之數令衆商按股攤還現在各商已有代還之歎應俟攤完

後分年續攤並飭此後不得濫保身家淺薄之人違者一體治罪如此則夷人不能擡價居奇以挾制洋行亦不敢低估侵欺以拖累商賈且夷賬旣已清釐每年貨船回國卽有未售完之貨可交住澳大班等料理或酌留數人亦屬無多仍嚴禁內地民人不准私往夷館庶立法益臻周密而弊端可期剔除于防弊柔遠之道兩無妨碍容俟查明洋商底蘊再行分別奏辦外所有夷商實在情形及酌籌辦理緣由臣等謹合詞恭摺密奏伏乞皇上睿鑒訓示謹奏嘉慶十九年十二月初二日奉

硃批另有旨欽此

嘉慶十九年十一月二十八日廷寄清軍機處存檔

軍機大臣字寄兩廣總督蔣傳諭粵海關監督祥紹嘉慶十九年十一月二十八日奉上諭朕近聞本年八九月間有啖咭喇護貨兵船一隻違例闖入虎門經蔣攸銛派委營員管帶師船前往驅逐據啖咭喇夷目具稟該國與噶哩堅國素有仇隙因適遇該國夷船恐其劫奪貨物用船防護以致誤入口門悚惶

謝罪等語此事何以未據蔣攸銛等奏及並聞近年以來暎咭喇貨船到粵專與乏商交易積欠夷賬不少該夷人所以願將貨物付與無力洋商者利其多算價值輾轉取償因而夷欠愈積愈多又有暎咭喇夷人呵噹噉前於該國入貢時曾隨入京師年幼狡黠回國時將沿途山川形勢俱一一繪成圖冊到粵後又不回本國留住澳門已二十年通曉漢語定例澳門所住夷人不准進省呵噹噉因松筠前曾伴送該國夷使於松筠任兩廣總督時遂來省稟見及蔣攸銛到任後呵噹噉亦復來省經蔣攸銛斥回未見呵噹噉在粵既久暎咭喇夷人來粵者大率聽其教誘日久恐致滋生事端其洋商積欠該夷人貨價過多受其挾制亦復不成事體著蔣攸銛等即將暎咭喇兵船進口原委詳細具奏並查明呵噹噉在粵有無教唆勾通欺蹟如查有實據或遷徙安置奏明妥辦至各洋商內積欠該夷人貨價究有若干其乏商可以追還抵償者可得若干負欠無償者應即行革退照例懲辦另僉殷實商人承充分年認還積欠嗣後暎咭喇夷貨到粵時應如何將貨物俱派殷商交易不致拖欠滋弊之處均

著悉心妥議具奏將此諭令知之欽此遵旨寄信前來

嘉慶十九年十二月初二日廷寄清軍機處存檔

軍機大臣字寄兩廣總督蔣廣東巡撫董嘉慶十九年十二月初二日奉上諭  
蔣攸銛等密陳夷商貿易情形及酌籌整飭洋行事宜一摺所奏俱是粵省地  
方瀕海向准各國夷船前來貿易該夷商遠涉重洋懋遷有無實天朝體卹之  
恩然懷柔之中仍應隱寓防閑之意近來啖咭喇國護貨兵船不遵定制停泊  
外洋竟敢駛至虎門其詭詐情形甚爲叵測蔣攸銛示以兵威派員詰責該大  
班始遞稟謝罪此後不可不嚴申禁令該夷船所販貨物全藉內地銷售如呢  
羽鐘表等物中華儘可不需而茶葉土絲在彼國斷不可少倘一經停止貿易  
則其生計立窮書云不寶遠物則遠人格該督等當深明此意謹守定制內固  
藩籬不可使外夷輕視嗣後所有各國護貨兵船仍遵舊制不許駛近內洋貨  
船出口亦不許逗遛如敢闖入禁地即嚴加驅逐倘敢抗拒即行施放鎗砲懾  
以兵威使知畏懼至洋商與外番交易必須示以公平並當嚴杜交結該督等

將拖欠夷債及與夷人交結各商民分別懲處自應如此辦理所有該督等請嚴禁民人私爲夷人服役及洋行不得搭蓋夷式房屋舖戶不得用夷字店號及清查商欠不得濫保身家淺薄之人承充洋商並不准內地民人私往夷管之處均照所議行其退商潘致祥久充洋商家道殷實從前朦混請退本屬取巧現當洋行疲敝之時豈容任其置身事外著責令仍充洋商與各總商認真清理一切毋許狡卸前日因聞該省有暎咭喇兵船闖入內洋及乏商積欠夷賬等情降旨詢問該督今日蔣攸銛等摺內已將各情形詳悉備陳惟伺隙陳一節未據奏及著蔣攸銛遵照昨降諭旨密行查察伺隙陳自幼狡黠熟知內地情形如在澳門不甚妥協斷不可驅令歸國應摘其過失酌量遷徙他處防閑約束庶爲處置得宜也將此諭令知之欽此遵旨寄信前來

兩廣總督蔣攸銛廣東巡撫董教增粵海關監督祥紹

會奏摺 清嘉慶二十年清軍機處存檔

兩廣總督臣蔣攸銛廣東巡撫臣董教增粵海關監督臣祥紹跪奏爲遵旨查明覆奏仰祈聖鑒事嘉慶二十年正月初八日接奉軍機大臣字寄欽奉上諭

蔣攸銛等云云欽此查此案先奉諭旨近聞暎咭喇云云欽此仰見我皇上懷柔震疊杜漸防微之至意臣等當即整飭洋行總商伍敦元盧棣華等確切查覆去後茲據覆稱查得暎咭喇夷人叻噹噹曾於乾隆五十七年隨同伊父副貢使航海由天津入都進貢彼時該夷叻噹噹年僅十二三歲其貢船即於是年仍由海道回粵貢使人等由內河回粵乘坐原船歸國迨嘉慶四年該夷叻噹噹復來粵貿易因向來各國夷船貿易事畢屆回帆時或貨物未能售完或賬目尙未清結酌留數人在澳守候名爲押冬是年叻噹噹即在澳押冬至六年回國又於九年來澳押冬至十二年回國又于十五年來澳押冬至十六年回國又於十九年由該國派令來澳充當三班隨同大班二班經理貿易事務蓋大班二班三班係由該國派來專司賣貨物諸事由大班經管二班三班僅係協同襄理之人各國駐澳夷商于貨船到齊時稟請海關監督衙門發給牌照進省貿易事竣仍請牌照回澳其人數什物填註牌內往來皆可稽查至夷商來省交易在城外十三行居住不准一人入城如遇督撫新任有由行商通

事轉稟請見者歷任督撫或見或不見並無一定即或傳見均于大堂率同司道宣布皇仁諭令公平貿易從無私謁之事該夷囑噤陳粗通漢話兼識漢字並不諳繪畫凡外夷在粵貿易多年能通漢話者亦不止囑噤陳一人該夷囑噤陳前後在澳數年尙無不妥亦無教唆勾通欺躋等情臣等誠恐該行商所稟或有徇飾復飭南海香山兩縣就近切實密查並由臣祥紹覆加細訪均與行商伍敦元等所稟情形相同臣等伏查夷人賦性不無狡黠然航海遠來志在懋遷獲利如無內地奸匪串通教誘斷不敢別滋事端而行商果皆妥實交易兩得其平奸民自無可乘之隙現經再四確查囑噤陳尙無教唆勾通欺躋應請無庸查辦臣等仍督飭地方官及行商人等密防與夷人交結來往之漢奸查出一案即嚴辦一案倘囑噤陳續有勾通欺躋亦即妥協籌計請旨辦理總期崇中外之體肅華夏之防示之以清嚴馭之以信義俾免疑慮而凜聲威以仰副我聖主厪念海疆諄諄訓誨之意除委員督飭洋行總商確查私欠夷賬之乏商分別籌議妥辦另摺具奏外所有查明囑噤陳現無教唆勾通欺躋



緣由謹合詞恭摺附驛覆奏伏乞皇上睿鑒訓示謹奏嘉慶二十年二月二十

三日奉

硃批時加察訪毋忽欽此

八十三以下多關中日交涉事

鈔旨並北洋函均悉朝事已得確耗倭之動作固難逆料我之辦法須定出次第秩然不紊彼謀固狡總以使之施展不出方爲上策事定之後監國之議可略其名而行其意也十二日申初繳

八十四

日本向朝鮮議索銀十一萬元一欸自係將與華軍接仗傷亡兵丁卹欸併算在內刻下井上已回該國我軍是日傷亡弁兵彼若竟置不提我之欽差或亦未向彼議及則此項卹欸自必無著殊於國體有礙拙見雖不必因此小事遽問罪於倭然啟衅之由本爲保護朝王似當指亂黨爲詞向朝議卹迨彼惟命是從然後示以大度免其卹欸由北洋酌予撫卹如此辦理聊足敷衍局面至於日本舉動似係自知理屈得錢即歸又復內蓄陰謀不與我欽差會商預伏一筆將來再出事故必執此次未商爲口實凡朝事不令我與聞此則隱患甚大似宜由總署向榎本道破爲是

八十五

手書備悉前日及今日兩次說帖大致總以日人以此次不商爲他日口實之資我偏以今朝人奉表文願撫郵爲作實屬國之據亦伏一筆免蹈越約覆轍惟向朝索郵跡近小氣若由彼願出此款而我免之方見天朝大度此節若北洋出力必可辦到也榎本明日有何狡辯諸公定能折之無從臆度惟希飭鈔問答送看爲慰此復即候哺佳醇親王泐初二戌正

八十六

邵道答李梅甚正閩軍何鹵莽乃爾我先赴英館致辭諒可默化戾氣談及賠償似勿少吝數亦必無幾也塞河頗受牽掣之累貴署宜亟定一辦法閩夷兼示庶免岐出致患北洋派習水雷藝徒似不可少東北公司云云亦請立辦爲宜醇親王泐十八亥初

八十七

井上立約五條遽回報命度其情形或因竹添理曲難與吳續狡辯或仍以劇

權自居不屑會商然與朝約而不我告是仍視朝爲自主之國隱患預伏未可以迅結爲喜吳續之疏將至未知所籌若何中日旣已接仗從此不提恐無是理如果彼不啟口我之欽差索然而返亦不成事似宜令朝王表謝赴援之恩庶可暫了此局第請旨飭遵不便措詞可否由署電北洋轉寄吳續辦理此節須俟彼處奏到酌度未初一函尙未見本日電旨茲悉已飭潘軍乘此擒渠則前函即可付丙日內倫續有越台電旨可否採用拙見之處希諸位酌度醇親王溥十三未正

八十八

頃閱黎電倭頗作態彼旣云蓋印定有約條第我尙未查明從何商辦各帶兵去爲奉使之常似無不可此件如早間遞過則已否則似須請旨一面將吳續已去之處由北洋照會日本一面由總署將井上所稱各節及中國現在辦法並未能立即商辦等情與榎本開誠說明囑彼電回該國俾免岐誤可否如此之處望諸公酌醇親王溥初五亥初

八十九

頃送來公件均悉請諸公與總署先公定分條準駁王於初七日進內呈遞營摺再面聆碩畫此泐並繳原件醇親王泐初五申初

九十

方章京自津來

伊未說有面說事件故未見之

所携發黎徐復倭之電極妥早問閱答內彼以

球事嚇我未行

絕妙答得

亦即鬆口肺肝如見可惡可笑此事總以總署北洋吳績黎徐異口

同音屹然不撓彼必無能爲役應大方處不待彼索坦然先施尤可對得環球住也今日赫有要信否已有成說之謂明日有無必須面商之事希示復音此泐即候

晡佳醇親王泐十五申正三刻

九十一

頃接電均悉仁川土人焚日館竹添回國請兵云云乃朝人肇禍倭人報復之事若照電所請派兵船赴援是我助亂黨與倭爲難矣揆之事理似非所宜拙見仍以此信告之榎本囑伊電止開兵但泊船作勢一面請飭北洋令守朝諸將或黃任林分隊前往彈壓以待欽使查辦秉公定擬務重治罪魁並令朝鮮照約

認過似可折衝樽俎本日徐電云云雖彼尙未知仁川警信然所論固爲近理  
以上各節希公酌簾前詳陳敬請指示王寒飲凝滯服藥稍愈此節切勿奏及若只此  
電不續來它要信仍擬二十九進內此泐即候均祉醇親王泐二十七戌初

九十二

署件並問均悉昨北洋電尙平今日二電一係龔道遙度之詞一係萬延年申

明前電各節惟仁川將有日兵撥船旨意今日甫發自不應因此又改章法頃

晤續運司彼亦不願遽添多兵看來似宜先向倭人作惋惜之詞並許由我查

辦亂黨至於華倭交戰一節即順榎本語意以誤會打架了之續運司亦或不

致橫生枝節耳此泐即候刻佳醇親王泐二十七申初

九十三

兩件閱訖南糧一事慈懷深厪似可鈔信或原呈覽加以面陳益臻周備朱一

新條陳酌添數語希公酌醇親王泐

九十四

近因腹瀉肝氣交作從事醫藥者二十餘日症雖大減氣體益弱致臂指僵軀  
書不成字早間萊山宮保過訪晏起失迭歉甚頃已奉有慈召於七月初三等  
日偕內廷王大臣聽戲所有初五之舉自當改期第思青翁年高政劇既於月  
底月初連入西苑而初八應酬更繁又須答拜等事非數日可了公賀之約竟  
可多展時日以節勞頓擬改於八月初五日何如計彼時秋風薦爽正可雅聯  
歡且災賑亦辦理就緒益覺心安理得矣先此布覆順候均祺餘容在內晤罄  
不備醇親王覆

九十五

署送各件閱訖竹添一面遁詞井上非理挑剔皆極可惡然將來除撤兵一事  
外似亦無甚饒舌處也哲論略其荒誕刪其繁複尙可摘要備酌似勿概棄爲  
得希公商之昨蔡鈞密探一件送供公覽所稱西貢云云仍是陳言耳近日教  
民代法人批定西山烟煤八十萬斤爲營員偵知已由本營行知提督衙門並  
順天府將西山此項煤包買四個月矣醇親王溥初十申初

九十六

旨示以辦法今日之電似無可復處至於北洋慮及榷本饒舌云云彼不與我  
欽差議事我本宜向彼責問此理甚直諒諸公同此意也此泐附送擬底以備  
參考醇親王泐初二申正

九十七

歸已亥刻讀示件備悉盛電已定於公閱之列京中縱極密秘外間必已哄傳  
與衆一看似無系乎漏與不漏否則盛之私擬林之赴滬仍取決於局中當事  
是緊要關鍵密而不宣徒以皮毛交看於事實益况不久依然傳播交謫固不  
足慮詰責誰敢當乎總之拙意以爲此事若但就盛德諸人之論除此似無一  
策若放開一想轉覺顧頭是道也匆匆布復即候刻佳原件附繳希與禮邸一  
閱醇親王泐初八亥初二刻

九十八

赫前日問答如彼林呈巴函又如此北洋電署請旨愚見堅持二字正在此時



明日斷難鈔電呈覽可否俟後日鈔呈王亦進內預備之處希公酌醇親王泐  
初九戌初二刻

九十九

徐轉電述外務語仍是日前榷本故智串通一轍情事顯然似仍以答榷者令  
徐答彼外務倫彼執定劇權大使名目我不妨據理直駁或將各事擱起先講  
各國公評此段以難之總不露開衅之隙彼亦未必遽敢無狀所有答徐回電  
似可奏明由署發去並告北洋勿須請特旨希公酌之再榷本今日問答尙未  
得見故無他詞可贊醇親王泐十四酉正二刻

一百

亥刻接鈔電俱悉昨日諸公見楊若何不可知然以臆見擬一照覆粗稿先行  
送閱希與諸同事詳商以待晤談醇親王泐十四日寅正

如以爲可此舉似可布告以規彼族舉動並電曾告巴總署照復即到以阻其  
變

榷漸作難殊為可惡拙見既將擬旨示彼即不當曲徇其請又請一旨諸位所  
 答甚正欽佩之至可否將此問答呈覽後鈔寄北洋一面由彼處設法聳動駐  
 朝各國公使抑倭狡謀一面由署將榷本日前和平之語及近日刁難各節向  
 英德等公使於有意無意間叙及以覘其議論蓋特倩評論彼又作態乃慣技  
 也日內吳續若有報來似不妨乘此降旨一道由署鈔咨榷使以了局面此  
 即候均祺北洋函開 訖交署矣醇親王泐十一日申正二刻

再鄙見未及之處希公擬辦法示知並希於簾前詳陳一切上釋慈厘慶邸前  
 希代達鄙意

由營署赴東城拜客晚餐歸家已屆亥正手書備悉壹是另擬之件甚為乾淨  
 且均係旨內曾有語意內惟以弭爭端一語防彼詰問耳仍與摘錄無殊似可公商奏明由署  
 送彼以釋其疑至問答內彼已露內政字樣且屢以權不相侔為言其心如揭

英使步步留神之囑甚不虛也此復並繳擬件即候早佳醇親王復初八亥正再問答內吳云或有諭旨令吳欽差去云云答云如有旨意我們恭錄照會云云此節子細思之尙有宜防處吳續初四日已經起程此旨究係何日所降若係起程之先之旨不應初七日總署尙在未知若係起程以後之旨自來亦無先令起程續示所辦何事之理過慮所及用陳左右希與諸位話及

欽奉上諭李鴻章電稱朝鮮又有內亂請派員查辦等語此事關繫甚重著會辦北洋事宜大臣都察院左副都御史吳大澂迅赴朝鮮確切查明酌量辦理兩淮鹽運使續昌著與吳大澂同赴朝鮮會商一切一面迅速奏聞欽此

一〇三

頃閱鈔電問答均悉美國回信如果今晚或明早能來則諸公明日答拜楊使凡欲

商事件皆可粗定王於後日入朝一切應辦事宜不難就緒希於明原稿下缺

一〇四

發函後又接鈔電朝日既定和約別無枝節自係中國措置神速各國公論平

允所致差堪上慰慈厯似可與金玉均事一併電問吳續並請飭其於迅結之中慎防流弊爲要希公酌醇親王勅

一〇五

發下摺件閱悉梁摺除電線已奉旨辦理外餘五條似可請旨分飭岑潘核辦鹿成二摺一厲一婉然皆未悉俄之累贅如慈懷以偏處爲慮似可請飭王會總署詳議具奏俾可細陳一切如已歸勿庸議則罷論矣

一〇六

夜間一函諒承青及頃閱劫電第一行真是費解公司輪艇連起蚌端英船又報職官傷重一則亟電閩飭禁並覆巴使爲宜一則可金醫資必難了結希與諸公商確速了似不可因英部有可結之示遂忽其續來照會總以遏其桀驁之氣使之施展不出爲妙清父河案是何事巴旣惡倭俄我即以閩事極力作人情爲親密之發端何如醇親王勅

一〇七

抵家閱電劫信底酌易數字爲省費耳特送台端希酌妥交署醇親王勅十四  
戌初

再問答內倫有迫不及待之條即請先行面奏勿拘 又及

向夕劉溶又遞一件附閱 又及

附件一

謹將密探法國電音繕摺恭呈電鑒昨密探西人得悉法國本月十五日議院  
會議自辰至晚始散是日政府與議院首領所議甚爲機密外人均未得其詳  
惟聞議事時有院紳巴得爽阿兒訪等員與茹裴禮言曰當初越南北圻之事  
即經我輩力阻爾專信孤拔之言以中國如敢過問只有數兵船游駛太平洋  
中國自然退阻越南全局可定此次兵費亦可償今船艦往中國不止數隻矣  
而中國亦竟與我開戰矣又安見中國畏縮乎前爾又以得孤拔電音請添兵  
以全力攻台灣能得全台利藪甚厚縱不能得全台能得一隅中國亦必託人  
議和今一隅又已得矣尙未聞中國有願議和者事已至此兵事不可以歲月

計能發而不能收將來餉項惟有請爾一人籌之耳茹斐禮聞言頗有愧色內有院紳勒塞等數人立而言曰現在中國既無願和之心我國兵事斯無遽止之理因此而遽退縮豈不貽笑鄰邦乎無論如何亦宜速行設法籌餉接濟爭論良久始散所籌多少俟二三日後當有的信又聞法國政府得巴德諾電以議和難成頗焦灼之意密電巴德諾如能設法轉圜固妙否則略分兵擾北洋可否云云巴得諾回電如何亦未得確耗容俟密探詳悉再行瀆報

附件二

敬啟者前蒙枉駕以賴觀察與洋商元豐順行議借三百萬兩一節囑爲探詢遵即電致江海關稅司去後現據電稱賴觀察借款之事頃詣元豐順行晤其行東細詢一切詎該行東付之一笑不肯明言無從探聽等語前來查元豐順行秘而不宣不肯備言底蘊想其中自有深意用特據情函達即希鑒察是幸肅此敬請鈞安名另具三月初四日赫德

附件三 原名「擬給許景澄電」

諫電已呈覽俄詢償欸分期付款實在需用何項押保三層償欸六個月內先交五千萬再六個月交五千萬餘一萬萬分六年交清先期交收亦可中國需用刻難定數俄旣情借擬先訂借五千萬周息五釐以內無折扣如前電所云至何項押保中國向來借用洋欸本利均由稅關出票戶部蓋印按期撥還現假俄巨欸亦擬照此辦理請先詢商再定現德法亦願借欸擬似俄欸商定再與酌訂祈婉達俄廷並謝關切即電覆

並已勒限三月接路至正定及搭造滹沱河浮橋津榆火車前德國經管時已入城至天壇門外英人尙欲另開車路以避天壇京津沿途洋卡聞留三四處每處派兵三百至洋兵撤後地面匪徒尤須嚴防查拏除分令步軍統領五城各派人接替外又電催姜桂題所部尅期來京以資分撥又奏請派胡燏棻襄辦京畿善後聯絡巡防諒荷俞旨請代奏奕劻李鴻章濛印四月二十四日寅刻到

三十七光緒二十七年四月二十六日下午三點北京發

西安軍機處頃法使送來法文譯稱甯夏將軍保護教士教民並不出力聞有教民大小男女多名被阿拉善王及圖克王殺死其塔拉特王即額爾多八部落亦然又聞小橋畔地方已爲董福祥佔踞小橋畔銀條樑三道河二十四頃地等處教士均有危險等語請飭甘督撫查明徑覆以便轉告法使慶李宥印  
四月二十七日丑正

三十八光緒二十七年四月二十六日下午十二點三十分北京發



西安行在軍機處京城被兵之處多有殘破現在廻鑿有期應就蹕路所經先行修葺若由工部照例勘估有需時日且恐工費浩繁可否特派大臣擇要興修以期妥速乞代奏奕宥印四月二十六日亥刻到

三十九 光緒二十七年五月十五日下午六點北京發

西安軍機處鹽電悉江鄂電謂十八兆以外乃量力還本辦法無勒我抵欸之理此按尋常借債言也借債本爲圖利但能利息不欠歸本多少便可不拘此次賠欸與借債不同各使每言所用之銀已由各本國設法借墊中國每年能付若干彼即作爲歲入之欸以備支用如允付而屆時拖欠恐致誤彼要需是以前經議明付給若干不論是利是本皆須指明抵欸英德等使每以中國多付恐無的欸可抵爲言尙非無理即前借英德商債每年歸銀五百萬亦尙以鹽貨釐七卡抵足可知洋人之本利並重矣至將來中國若能多籌除議定應還之數外隨時任便提前歸還利隨本減自可豫先議訂以爲後圖慶李咸印五月十六日申正到

四十光緒二十七年五月十七日下午一時四十五分北京發

西安行在總署願電悉李使七月期滿俟該大臣報到再行具奏請簡慶親王  
篠五月十七日亥刻到

四十一光緒二十七年五月十七日下午一時

西安軍機處頃駐俄參贊胡惟德咸電外部面稱格使調駐拜馬駐英參贊賴  
沙派駐北京約秋冬接替云鴻篠印五月十七日戌刻到

四十二光緒二十七年五月十八日下午二時三十五分北京發

火急西安行在軍機處美館參贊哲士在華年久於交涉事件隨宜贊助裨益  
良多現將交卸回國據美國前駐津領事畢德來格函請賞給二等第二寶星  
並因該參贊行期在即懇迅即奏請等因查哲士前曾護理公使所請寶星等  
第核與成案相符擬懇恩准賞給乞代奏奕嘯印五月十八日酉正到

四十三光緒二十七年五月十九日下午二時十分北京發

西安行在軍機處據日本小村使函稱外務電開醇親王使德回路經美暨日

本政府因望旌節抵日迎駕入京藉伸同洲和好之誼請奏明爲要等語該使所稱具見和好邦交之意自應照准藉伸聯絡祈代奏請旨遵行又聞英比亦  
有此意可否俟函到即行知照醇親王援照辦理奕李效印五月二十日子正  
到

四十四 光緒二十七年五月二十日上午九點四十分北京發

西安軍機處嘯電悉全權電復東三省俄隊設專約早畫押易商撤減江鄂督  
爲日本所愚力阻畫押今忽爲商撤俄隊之說甚非情理自停畫後俄使除公  
會外絕無往來何從與商即商必置不理不料力阻畫押者爲此謬論也至索  
喀什噶爾之信未知從何得來此間毫無影響慶李芻印五月二十日申正到

四十五 光緒二十七年五月二十日正十二點北京發

西安軍機處嘯電悉覲見禮節前據各使照會堅請准坐黃轎及在乾清宮階  
前下轎當經備文駁覆謂與中國體制太不相符礙難奏請駁令仍坐綠轎至  
東華門換椅轎至景運門並經迭次派員商論各使仍復堅執謂中國公使到

外國常以國主自乘馬車迎接入宮今只請用黃轎不爲過分又謂上轎路遠雨淋日曬甚爲不便多方辯論未能就範旋又派員商議告以日後各國如有太子及頭等親王來華更何以加必須預留地步擬准通融轎用黃攀至景運門下轎美日本兩使允轉商各使即經備文照會昨據照復綠轎黃攀可允至仍請在乾清門降輿本擬再與爭辯仍令在景運門下轎明知彼必不允但以事關朝廷體制未敢輕易通融茲來電旣云可許乾清門外檐下降輿實足以示優異擬即照復允准奏結指日回鑾各國必請觀見此次宜早定議爲妥鴻章前游歐美各國宮殿雖極崇隆皆由小門出入外臣皆直抵門前降輿中朝規制閼闔故以爲不便有一國使宣稱若將儀鸞殿已燬基址改建洋房一切照西式辦理專爲接見外臣各使必無爭論所言亦甚有見姑備一說候采擇慶李號攀加系旁印五月二十一日丑初到

四十六光緒二十七年五月二十三日下午一點二十分北京發

西安行在軍機處醇親王載灃副都統蔭昌定於本月二十七日由京起程赴

德所管正白旗漢軍事務請旨簡員署理祈代奏奕濂印五月二十三日亥正到

四十七 光緒二十七年五月二十五日下午三時北京發

西安行在軍機處據比姚使照稱本國政府電開醇親王於德國差竣後或能前赴本國會晤定當按照品級派人相迎必要隆禮拱候賁臨等語效電奏請奉旨英比如有此意亦可准行即由該王大臣隨時知照辦理仍一面奏聞欽此今比國既有此請自應照准除已知照醇親王外乞代奏奕李有印五月二十六日戌刻到

四十八 光緒二十七年五月二十五日下午五點十分北京發

西安軍機處頃接駐俄參贊胡惟德馬電現西藏遣專使到俄用頭等禮接待今日謁俄主謹聞云查前吳王克托來京曾密稱蒙古各部遣使赴俄投誠俄主尙未允今西藏喇嘛竟有此舉無從勸阻無論英人生心藏亦終非我有此皆俄約不畫之由也請代奏李鴻章敬印五月二十六日戌刻到

四十九 光緒二十七年五月二十五日下午七點三十分北京發

急西安軍機處頃據盛京將軍增祺府尹玉恆由旅順轉烟台督電現俄軍駐通化劉彈子逃其黨林七率三四百人旁竄寬甸向鄉團王茂林復仇突至鳳凰廳道標營官周玉麟帶隊投賊商民望風逃避現華軍二千餘分路進剿安東賊已擊散地方無擾俄軍二千餘由遼陽至鳳城賊千五百餘竄大孤山又被官軍擊敗不難撲滅已派人招撫商民回歸再據海龍廳報官軍連擊獲勝斃賊千名餘皆遁現興京一帶安寧請先代電奏已專摺馳報云請代奏奕劻李鴻章徑印五月二十六日申刻到

五十 光緒二十七年五月三十日上午九點北京發

火急西安軍機處頃俄參贊胡惟德感電藏使寓有俄員稽察禁人往謁吳克密稱該使跪見俄主遞達賴國書獻俄寢名金沙十小匣帕數方餘禮物過印度時爲英人所阻不得達來意因俄地理會兵隊入藏探路殺傷土人無處控訴欲請俄以後勿復爾如有他事密不可知倘往晤須商外部但恐外部不甚

樂意云應否商晤乞速示遵該使尙須留七八天等語昨派人詰詢俄使藏此舉何意伊云俄主待蒙古各藩均好藏使來意殷勤必准接待告以西藏係我屬地該喇嘛遣使並未報知並電胡參贊令商外部往晤藏使詳詢一切再奉聞鴻卅印六月初五日申刻到

五十一 光緒二十七年六月初二日下午五點五十分北京發

西安軍機處勘電旨敬悉畿南拳土各匪動輒聚衆滋事迭飭呂本元督隊分投勦捕其竄往完唐山內者追逐不遺餘力又分股流竄博野祁州安平等處已屢獲勝仗並無官紳稟控搶掠實據茲更嚴飭申明軍律分別勦捕惟其兵力稍單適姜桂題行抵河間所部爲洋兵所阻暫難進京令其取道肅寧順赴畿南會剿馬金敘所部由晉入廣昌令其兜剿完唐一帶零匪可期尅日殲除毋庸遠調宋慶請代奏奕劻李鴻章冬印六月初六日亥刻到

五十二 光緒二十七年六月初三日下午三點二十分北京發

西安行在軍機處義使薩爾瓦葛照稱接政府電醇親王奉命赴德俟差竣後

即請前往羅馬本國極爲洽意等語除已電知醇親王載灃俟德國禮畢再往羅馬外請代奏聞奕江印六月初八日丑正到

五十三 光緒二十七年六月初四日上午七點三十二分北京發

西安軍機處頃接醇親王支電昨據駐滬德國總領事函稱駐京大臣電開德皇訂於中歷七月十四日在柏接見中國專使並留專使暫住皇宮惟七月二十日以後德皇另有要務等因函致前來特此電聞云請代奏奕劻李鴻章奏印六月初七日申刻到

五十四 光緒二十七年六月初六日上午十點十分北京發

西安軍機處上海道歌電醇邸今午乘德公司輪船開行云慶李魚印六月初八日已正到

五十五 光緒二十七年六月初六日下午二點三十分北京發

西安行在軍機處出使大臣羅豐祿咨義國新主即位駐使應遞國書請奏懇頒發呈遞正在核奏間復准電稱義國催遞國書懇速頒發等語謹照案擬國



書一道電呈御覽俟奉諭旨即照繕請用御寶寄交羅豐祿賫遞乞代奏奕李魚國書如下大清國大皇帝敬致書於大義國大君主朕維遣使睦鄰之誼著於禮經詳於公法矧中國與貴國友誼夙敦情好尤摯茲值大君主誕登寶位寅紹丕基特命欽差出使大臣羅豐祿呈遞國書表朕修好之意朕稔知該大臣才識宏達秉性忠誠辦理交涉事件悉臻妥協惟望大君主推誠相與俾盡厥職尤願大君主福祚綿長苞桑永固從此我兩國信義相敦邦交彌篤是朕所厚望焉印六月初八日申刻到

五十六光緒二十七年六月初七日上午八點十分北京發

西安軍機處艷電擬回鑾路程乞速請旨電知以便預備慶李陽印六月初八日申刻到

五十七光緒二十七年六月初七日下午五點十五分北京發

西安軍機處頃據英薩使函稱接其本國外部電下上議院參贊詢問端王董福祥下落請將確信示知以便轉報等語查英議紳詢問端王董福祥下落情

因近來洋報謠言甚多之故望飭查明確電示轉復俾釋疑慮慶李陽印六月初八日丑正到

五十八 光緒二十七年六月初九日下午一點二十分北京發

西安行在軍機處前請換出使德國大臣摺片計日將到請暫緩簡派餘容函達慶親王佳印六月初九日亥刻到

查出使德國大臣已於初二日奉旨簡派電寄全權及總署矣惟現尙未接盛大臣轉京回頭

五十九 光緒二十七年六月初九日下午十一點二十分北京發

西安軍機處虞電旨謹悉和議總綱十二款即算公約總綱定後不過照綱內所載逐款議辦用照會商定無須畫押計現在尙未辦結最要者祇賠款禍從二端賠款攤還年數銀數大致已可就緒據德穆使稱俟與各使商允再行會商定議各省禍從因減商員數太多英薩使復有意挑剔以致遲滯聞賠款內抵款各使中有願以海關收足值百抽五並免稅之貨征稅每年可得銀二百

萬作抵者英使以該國商務最大尙不甚愜意然此等皆無礙和局緣十一國使意見每有參差未能尅期立定也現京城地面各國已陸續交收俟法兵官巴堯從五台山回時據云京西一帶法兵亦可全撤請代奏以紓宸廑奕劻李鴻章佳印六月初十日申刻到

六十光緒二十七年六月初九日下午十一點三十五分北京發

西安軍機處據署浙撫余聯沅齊電稱爲電乞代奏請旨飭遵事竊浙漕折價五成起運五成前經奏奉諭旨遵行在案本應春間開運現已六月初旬南省地方卑濕雨水過多各屬征存漕糧久閉在倉蒸變過甚且虫蝕及半倘責令照數起運必多折耗不得已擬再請改折二成連前共計折七運三在度支可多收折價運費銀二十餘萬兩於倉儲有舊漕抵補似尙不至大損據司道會詳請奏可否仰懇恩施准予照辦理合飛請代奏請旨迅賜訓示飭遵等語望請旨飭遵奕劻李鴻章佳印六月初十日申刻到

六十一光緒二十七年六月初十上午八點北京發

西安軍機處將軍增祺等由旅順虞電匪首林七在大孤山先被紐頗林長麒擊敗俄隊自紐頗於五月十五日趕到鳳凰城林七帶餘匪奔寬甸被俄隊在中途擊斃二百餘餘匪逃散辦投賊之營官周玉麟已被督標隊由團練在鹽廠擒獲送省正法興京亦經俄都統赤拉別斯克斃賊數百名又收撫三千餘匪請我軍接收安置現東邊已無大股賊匪已飭地方官安撫商民先請轉奏等語請代奏奕劻李鴻章佳印六月十一日寅刻到

六十二光緒二十七年六月初十日上午十一點北京發

西安軍機處語電旨謹悉京城地面各國已陸續交出俄美兵除留護使館外餘早撤淨英德日本亦撤過半保定僅有法兵未撤聞各國現存在京兵隊望後可再撤三分之一俟西安啟蹕再撤二分之一俟由河南回鑾即全數撤退彼等撤兵向不知照撤去若干即問亦不以實告總稱看運船多寡陸續撤去其各使館留兵現無確數聞統計約在二千內外天津及沿途洋卡亦無確數聞天津約留六千或八千沿途洋卡每卡約三百共計不逾二千屢經訪詢均

稱回鑾早則撤兵速遲則更多觀望請代奏奕劻李鴻章蒸印六月十一日酉刻到

六十三光緒二十七年六月初十日下午八點二十分北京發

西安軍機處佳電敬悉衛河船隻直東境內較多前經直隸派員查明德州天津等處民船三艙者居多擬擇最大者改爲四艙中二艙均長一丈一尺寬一丈一二尺前後兩艙均長六尺船身吃水不過二尺從濬縣下船八九月水可足用十月後水涸謹擬將最大民船改爲御用船五隻至隨扈人員及裝運輕重有勝子等船可僱請代奏李鴻章松壽胡廷幹蒸印六月十一日申刻到

六十四光緒二十七年六月初十日下午十二點三十六分北京發

西安軍機處胡參贊惟德支電初二遵冬電婉告外部並告以藏使並未來謁約晤亦辭伊深爲詫異據稱俄民奉佛教者六百萬達賴此舉專爲教務略如教王遣使該使亦係俄籍是地理會董云云參贊亦曾兩次遣人約晤該使均以事辭嗣又函約無復迨見外部後始許昨晚往晤洋裝出見自稱俄籍至來

意亦如外部及吳克所云惟言語支吾似有人指授密詢有無他事終不肯言告以藏事應請駐藏大臣轉奏核辦外另應由朝廷主持伊唯唯無詞此僧蒙古人在藏久曾到華住隆福寺及五台山通華語自名阿王伊稱三年前曾由吳克帶見俄主去年又來見惟均係私見云請轉達鴻蒸印六月十一日已刻到

This image shows a blank page with a vertical margin line on the right side. A small tab-like shape is visible at the top right corner. The page is otherwise empty of text or other markings.

違碍書籍單

清乾隆四十二年八月湖廣總督三寶查繳  
清軍機處存檔

臣三寶謹奏爲續收應燬各書委員解繳恭摺奏聞事竊臣欽遵諭旨查收應燬之書業經十次陸續共查獲過書一千八百六十三部先後奏明委員分起解交軍機處進呈銷燬在案惟緣此等書籍既有觸碍不經素稱藏書之家鮮有收留若祇責諸地方官及各學教官並委員等諭之地保家諭戶曉之其呈繳事隆可以徧及但內有現非攻書之人及止家存婦女勢難自行清檢臣前以分發教職閒空人員甚多曾經奏明以該員等俱係本地之人派其各赴原籍府分因親及友易於詢訪更便代爲清查事本不煩且勵以繳書多寡即爲將來補用名次先後是以無不爭先踴躍竭力投羅並仍嚴飭府縣暨委員携價購買協同各學教官傳乞紳士生監人等廣爲蒐覓是以九十兩次臣具奏繳各書較前稍多然尙有已收而未到局者今據各屬暨委員或得自價買或收自呈繳解交到局應燬各書六十五種內重複二百四十九部共計三百一十四部又前已繳過各書內今復又續獲一百一十七種內重複一千八百四



十部共計一千九百五十七部二共二千二百七十一部敬錄書目清單恭呈御覽除逐一包封派委委員即爲解交軍機處查收進呈銷燬並又獲檢查出大義覺迷錄二十一部內完全者八部不全者十三部一併敬謹包封附解外浙省自欽奉諭旨查繳應燬各書以來現已通共收獲過書連重複共計四千一百三十四部臣恐尙有遺存未能盡絕根株仍嚴飭各員上緊查繳務期盡淨以仰副聖主杜絕邪言不使稍有遺留之至意所有續收應燬各書現在委員解繳緣由理合恭摺具奏伏乞皇上睿鑒謹奏乾隆四十二年八月十九日奉硃批覽欽此

清單

現獲應燬遺書六十五種內重二百四十九部共計三百一十四部

閩外春秋一部 刊本

是書明尹商著漢陽人彙輯歷代名臣事跡概以將略分大將文師等八門列爲三十二卷始自周秦迄于明代末篇載李成梁事觸碍

甚多

明百將傳七部 刊本

是書明顧其言編江寧人四卷末附劉綎傳一篇語有觸碍

明將略一部 刊本

是書明潘康錄不分卷首刻潘曾縉序語有干碍

生氣錄一部 刊本

是書明季徐與參著蘭谿人紀明代邊將勝負事跡于劉杜諸人篇中大有干犯字句原缺卷七至卷九卷十二至卷十六

鴻猷錄一部 刊本

是書明高岱著京山人分一十六卷所載自洪武迄嘉靖諸大事序係李徵儀作語涉干犯

皇明實紀七部 刊本

是書明陳建沈國元輯二十七卷所載係明洪武至天啟年事跡語

多指斥字樣內一部全一部原缺卷三至卷七卷二十六卷二十七  
又一部原缺卷十一至卷十五卷二十四至卷二十七又一部原缺  
卷六至卷八卷十三至卷十五卷十九至卷末又一部二冊又二部  
各一冊俱不全

明紀本末一部 刊本

是書 國朝盧元昌輯雲間人分十九卷紀明代歷朝人君政蹟各  
自爲紀一卷末系宏光隆武語有失體之處

甲申紀事一部 刊本

是書彙錄明進士程源等所撰曰孤臣紀哭曰再生紀略并雜纂福  
王時諸臣奏議並多違碍原缺卷一卷二卷六至卷八

憲章類編一部 刊本

是書明布政使勞堪編分四十二卷內紀朝政外紀貢市分門編載  
內有觸碍字面

憲明館課六部 刊本

是書明大學士王錫爵輯沈一貫參訂十五卷彙載明代館閣諸人所作詔疏表箋及詩賦等文間有悖謬之語內三部全一部原缺卷十一又一部原缺卷首卷三內有缺篇又一部原缺卷一卷七卷十三

皇明館課續集二部 刊本

是書明王錫爵輯焦茲參訂十五卷分體彙載與前集同原缺卷首卷十二又一部原缺卷十一

清暉樓尺牘一部 抄本

是書明大學士王應熊著係應熊與人往復尺牘有指斥遼東時事之語

王李合刻一部 刊本

是書明陳繼儒選係王世貞李攀龍所作雜文內有薊遼疏議北征

策等篇字句尤多觸碍

文娛二集六部 刊本

是書明鄭元勳選集錄明季雜文間有詆觸字句內四部全一部原缺卷首卷七卷十又一部原缺卷一卷三卷五至卷末

皇明策衡一部 刊本

是書明茅維輯二十六卷所載自明宏治至萬歷年歷科試策間有觸碍之語

四六新書四十四部 刊本

是書 國朝黃始輯吳郡人八卷所載皆明季諸人應酬等作有錢謙益文內二十八部全一部原缺卷四卷八又一部原缺卷二卷四又一部原缺卷二又二部原缺卷四卷五又一部原缺卷一卷三卷四卷八又一部原缺卷五卷六又一部原缺卷一卷四卷五又一部原缺卷四至卷末又一部原缺卷一至卷五又一部原缺卷二卷六

卷七又一部原缺卷一至卷五又一部原缺卷一卷三卷四卷六以下又一部原缺卷八又一部原缺卷一又一部原缺卷六卷七

四六新書廣集四十八部 刊本

是書 國朝黃始輯吳郡人八卷彙載明季及始同時各家應酬之作以廣前集所未備內有錢謙益人內二十六部全一部原缺卷一卷二卷五又一部原缺卷二卷三卷六又一部原缺卷四卷八又一部原缺卷二至卷六卷八又一部原缺卷一至卷五卷七又一部原缺卷一至卷三卷五至卷七又一部原缺卷二卷四卷六卷八又一部止有卷四又一部止有卷五又一部原缺卷七卷八又一部原缺卷一卷三又一部原缺卷一卷五又一部原缺卷八又一部原缺卷五卷六又一部原缺卷二卷八又一部原缺卷七卷八又一部原缺卷五又一部原缺卷六卷七卷八又一部原缺卷七卷八

石民四十集二部 刊本

是書明茅元儀著歸安人從孫承宗贊畫軍前薦授遼東總兵所著  
文集分四十類一百四十八卷其中狂吠處甚多內一部全又一部  
原缺卷一至卷五卷一百三十一至卷一百三十九

石民賞心集三部 刊本

渝水集二部 刊本

西崦集一部 刊本

江村集二部 刊本

橫塘集二部 刊本

又覲集一部 刊本

是書皆茅元儀著各分卷次內江村渝水二集尤多觸碍

石民暇老齋雜記一部 刊本

福堂寺貝餘一部 刊本

青油史漫一部 刊本

督師紀略一部 刊本

藝活甲編一部 刊本

戎樓閒話一部 刊本

六月談一部 刊本

澄水帛一部 刊本

青光一部 刊本

掌紀一部 刊本

是書皆茅元儀著各分卷次雜記古今見聞釐爲十種內督師紀略  
六月談掌記三種所說尤多悖謬餘亦間有觸碍

李氏文集五部 刊本

是書明李贄著溫陵人係贄所作各體詩古文二十卷其立說多有  
乖僻內二部全一部另板名李溫陵集卷次相同全又一部原缺卷



七至卷十一又一部原缺卷十六至卷二十

李氏遺書一部 刊本

是書明李贄著溫陵人所作詩文雜體在文集之外分上下卷語涉乖僻

李氏焚書六十三部 刊本

是書明李贄著溫陵人係贄所作各體詩文雜著內四十八部全又十部不全又續焚書五部不全

清閼全集四部 刊本

是書明姚希孟著分十二集語多違碍之處內一部原缺響玉集卷一文遠集松癭集又一部原缺薇天集卷一丹黃集公槐集卷一卷二卷五卷六棘門集卷一卷二卷五卷六卷七卷八沆瀣集秋旻集卷六卷七卷八文遠集又二部止文遠集餘俱缺

孫高陽集一部 刊本

是書明督師孫承宗著二十卷係自著詩文各體內如奏疏尺牘等篇俱干涉遼東時事

甌安館詩一部

是書明黃景昉著晉江人係自作各體詩二卷內有收復登州口號等詩語有觸碍

環中堂詩集一部 刊本

是書明方孔炤著桐城人係自作古今體詩共六卷內如長白行乙酉民抄等篇大有干碍

毛古庵諫草一部 刊本

是書明給事中毛憲著武進人係憲爲兵刑禮三科給諫時條奏內有陳言邊患諸疏

夏峰集四部 刊本

是書明孫奇逢著容城人詩文十四卷內有孫高陽誌銘及高陽述

聞所紀皆千疇

雙槐歲抄二部 刊本

是書明黃楡著香山人雜記聞見逸事共十卷第九卷內有建州一篇

求是堂文集四部 刊本

是書明文德翼著德化人雜著一十八卷甲申後德翼遯跡荒野所作戊子遇兵記一篇暗藏指斥

懶雲居士集一部 刊本

是書明裴應章著福建人詩文共六卷字句間有觸礙

葛溪集二部 刊本

是書釋洛毓著上饒人詩四卷間有隱語

偶居集一部 刊本

是書明山陰知縣鍾震陽著宣城人所著雜文內有賀太守榮遷序

語涉時事

文天瑞集八部 刊本

是書明文翔鳳著皆係各體詩文分皇極篇二十七卷東極篇南極篇二十二卷間有觸礙語句內一部全一部止皇極篇又一部止皇極篇原缺卷十卷十七卷十八卷二十四卷至二十七又一部止西極篇四部名文太清集俱刪改之本

名山藏一十一部 刊本

是書明何喬遠輯晉江人內分典謨等記共三十七門紀載明代掌故其臣林王享等記俱有違礙內七部全一部原缺卷一卷二又一部原缺卷一至卷四又一部原缺典謨記首二册并輿地記刑法記本土記本行記藝妙記貨殖記方技記方外記又一部原缺輿地記漕運記錢法記兵制記馬政記茶馬記鹽法記臣林外記王享記

白石樵真稿十七部 刊本

是書明陳繼儒著華亭人二十四卷皆各體雜文間有觸碍之處內四部全一部原缺卷八卷十二至卷十四卷十七卷二十又一部原缺卷一卷二卷十八至卷二十一又八部止尺牘四卷又二部各二冊又一部一冊俱不全

續秘笈十三部 刊本

是書明陳繼儒輯共計五十帙各分卷彙載唐宋以來說部之書內有四夷考夷俗記二種語有違碍內二部全一部原缺八帙九帙十五帙十六帙又一部原缺一帙至十四帙二十七帙至末帙又一部原缺五帙至十五帙十七帙至三十一帙四十帙至四十八帙又八部止訂正葉向高四夷考一門

啜墨亭集二部 刊本

是書明徐時進著鄞縣人十二卷係所著各體雜文末附雜著內有策問一篇干涉遼事內一部全一部原缺卷五至卷十二并雜著

樓山堂集一部 刊本

是書明吳應箕著貴池人十六卷係應箕所著各體雜文內有兵事策篇語涉干犯

自廣齋集一部 刊本

是書明張世偉著吳郡人十卷係世偉自著各體古文間有觸碍之語

芭山文集一部 刊本

是書 國初張自烈著二十四卷係各體詩古文內有結遼畢命等作語涉干碍

明季遂志錄一部 刊本

是書 國初鄭亦鄒著海澄人所紀皆鄭成功事

讀史綱一部 刊本

是書 國初左吳輯桐城人分十五卷末附甲申以後事紀載失實

大樽堂詩集一部 刊本

是書 國朝王隼著廣東人卷首有屈大均序詩賦共十卷多感憤之語

牧齋性理抄珍一部 刊本

是書錢謙益著

牧齋詩鈔一部 刊本

是書錢謙益著係沈忻如選本不分卷

牧齋雜文一部 抄本

是書錢謙益著共四十四篇

列朝詩集六部 刊本

是書錢謙益輯分作乾甲乙丙丁閏六集內一部原缺乾集甲集內卷一至卷十一又一部止甲集十卷丁集四卷五卷六卷又四部俱不全

列朝詩集小傳三部 刊本

是書錢謙益著係謙益族孫陸燦取列朝詩集中小傳另纂成書仍分六集內一部全一部原缺丁集以下一部原缺乾集

廣東詩文集一部 刊本

是書屈大均選彙錄粵東人著作自唐迄明季分類編分共四十卷內明季人詩率多感慨

前奏繳各書內續獲一百一十七種內重一千八百四十部共計一千九百五十七部

鴻書二十五部 刊本

是書明劉仲達輯今續查出二十五部內四部全一部原缺卷九十六至卷一百八又一部原缺卷一至卷四卷三十一至卷五十又二部原缺卷四十六至卷一百八又一部原缺卷十一至卷十五卷二十至卷二十二卷五十六至卷六十七卷七十四至卷八十八又一



部原缺卷二十三至卷三十卷五十一至卷五十四又一部原缺卷  
十八至卷二十八卷四十二至卷五十三卷六十三至卷七十二又  
一部原缺卷一至卷二十六又一部原缺卷十六至卷二十二卷四  
十六至卷一百八又一部原缺卷七至卷十五卷二十至卷二十二  
卷四十六至卷一百八又一部原缺卷一至卷二十二卷二十七至  
卷三十六卷四十六至卷六十七卷八十二至卷八十八又一部原  
缺卷六至卷二十六卷三十三至卷八十五卷九十四至卷一百三  
又一部六册又一部五册又二部各三册又一部二册又四部各一  
册俱不全

皇明經世編十七部 刊本

是書明陳子龍輯今續查出十七部內一部全一部原缺卷四百四  
十三卷四百四十九卷四百五十卷四百五十二卷四百五十三卷  
四百六十一至卷四百六十五卷四百八十一卷四百八十二卷四

百八十五卷四百八十九至卷四百九十一又一部原缺卷二十七  
卷四十一至卷五十一又一部原缺卷六至卷四十九卷六十一卷  
一百十至卷一百十五卷一百八十三卷三百三十五至四百四十  
七卷四百七十八又一部原缺卷一至卷五卷二十四至卷四十四  
卷五十至卷三百五十五卷三百七十五至卷三百七十八卷四百  
二十一卷四百二十六卷四百三十二卷四百三十八至卷末又一  
部原缺卷一至卷四十九卷六十至卷九十七卷一百六至卷二百  
三十卷二百四十一至卷二百五十四卷二百七十四至卷末又二  
部各七册又一部六册又四部各五册又二部各四册又一部三册  
又一部二册俱不全

古今治平略二十五部 刊本

是書明朱建著今續查出二十五部內十三部全一部原缺卷八至  
卷十卷二十五至卷二十七又一部原缺卷十五至卷三十一卷三

十三又一部原缺卷八卷九卷十三卷十四卷十七至卷十九卷二十一又一部原缺卷一至卷三卷六至卷八卷十六卷二十三卷二十四卷二十六卷二十七卷三十又一部原缺卷五卷六卷七卷十七卷二十六至卷二十九卷三十三又一部原缺卷一至卷三卷八卷九卷十八卷三十三又一部原缺卷一至卷十四卷二十卷二十八卷三十三又一部原缺卷四至卷八又一部原缺卷二十二又一部原缺卷一至卷六卷八卷十三卷十四卷十七卷十八卷二十卷二十六卷二十七卷三十又一部原缺卷三至卷七卷九卷十五卷十八至卷二十四又一部二册不全

武備志十七部 刊本

是書明茅元儀輯今續查出十七部內一部原缺卷一百二十一至卷一百五十又一部原缺卷一至卷一百二卷一百十一卷一百二十二卷一百十七至卷末又一部原缺卷一至卷一百十八卷一百二

十三至卷一百三十四卷一百三十九至卷一百四十五卷一百五十一至卷一百五十七卷一百六十至卷末又一部原缺卷一至卷三卷十七至卷九十四卷一百至一百三十三卷一百四十至卷二百五卷二百十九至卷末又一部原缺卷一至卷一百四卷一百八卷一百九卷一百十九至卷一百二十二卷一百二十七至卷末又一部六册又四部各五册又二部各四册又二部各三册又一部二册又二部各一册俱不全

皇明通紀輯錄四十二部 刊本

是書明陳建陳龍可等輯今續查出四十二部內二十二部全一部原缺卷首至卷十五又一部原缺卷首至卷二十又一部原缺卷九卷十又一部原缺卷二十六又一部原缺卷二至卷四卷十四卷十五卷二十七又一部九册又一部八册又一部七册又一部五册又三部各四册又一部三册又三部各二册又四部各一册俱不全

皇明通紀輯要十二部 刊法

是書 國初馬晉允定今續查出十二部內八部全一部原缺卷一卷十四卷十五又一部原缺卷五卷六卷二十一至卷二十四又一部二冊又一部一冊俱不全

皇明通紀集要二十七部 刊本

是書明江旭奇輯今續查出二十七部內七部全一部原缺卷二十八至卷三十三又一部原缺卷十一至卷十三卷四十八至卷末又一部原缺卷四至卷七卷二十八至卷三十八又一部原缺卷一至卷十一又一部原缺卷四至卷七卷三十六至卷末又二部各原缺卷五十六至卷末又二部各六冊又一部五冊又二部各四冊又二部各二冊又六部各一冊俱不全

皇明通紀直解二十部 刊本

是書明鍾惺訂今續查出二十部內十四部全一部原缺卷一至卷

四卷十三至卷十六又一部原缺卷一至卷八卷十三卷十四又一部原缺卷七卷十三至卷十五又一部原缺卷十五卷十六又一部二册又一部一册俱不全

通紀會纂五十八部 刊本

是書明鍾惺定今續查出五十八部內三十九部全一部原缺卷一又一部原缺卷二又一部原缺卷五卷六又一部原缺卷七卷八又二部各原缺卷四又三部各原缺卷一卷二又十部各一册不全

通紀纂五十五部 刊本

是書明鍾惺定今續查出五十五部內二十五部全一部原缺卷五卷六又一部原缺卷三卷四卷八至卷十又一部原缺卷七卷八又一部原缺卷十又五部各原缺卷九卷十又六部各二册又十五部各一册俱不全

明紀編年三十四部 刊本

是書明鍾惺原本王汝南補今續查出三十四部內十四部全一部  
原缺卷四至卷八又一部原缺卷七卷八又三部原缺卷四至卷六  
又三部各二冊又十二部各一冊俱不全

皇明從信錄二十三部 刊本

是書明沈國元訂今續查出二十三部內五部全一部原缺卷一至  
卷四卷七至卷十卷十八至卷二十二又一部原缺卷四又一部原  
缺卷一至卷十卷十五至卷十七卷二十五卷二十六卷三十至卷  
四十又一部八冊又一部七冊又一部五冊又三部各三冊又四部  
各二冊又五部各一冊俱不全

兩朝從信錄一十部 刊本

是書明沈國元述今續查出一十部內一部全一部原缺卷六又一  
部原缺卷二卷十八卷十九又二部各四冊又二部各二冊又三部  
各一冊俱不全

中華民國十九年十一月出版

文獻叢編第九輯

編輯所 故宮博物院

發行所 故宮博物院出版物發售室  
電話東局一六〇九

印刷所 和平門內後細瓦廠  
和濟印刷局



價目表	每月一冊	半年六冊	全年十二冊
郵本	五角	二元七角	五元二角
費	每期一分	每期壹角	每期二角五分
	市	外埠	外國

本市 上海 天津各大書店均有代售



